



सानसेयारि 'बड'सा' खरीरालाइयाव समाज्यादि जिउजो लोब्बा थावाय रायथाय, ब्रन्धाय, बल', बल'बाथा आरु देवबायारि थावनि, पार्क बाइदिनि सायाव लिन्नाय लिन्बिबां देथाय हर/सानसेयारि 'बड'सा' खरीरालाइया खेबखानाबे फोसावगोन।
बड'सायाव लिन्हरनायवि दुबा खालाम, 'बड'सा' खरी नोथां, जों बयबो आंगो खालाम।
सानसेयारि बड'सा मावखुनि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 6 November, 2024 Kokrajhar, BTC, Assam ★ Vol.-34, Issue No.219 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

बकाजानाव गोबां बिबानि सन्देह' हेर' इनजो लोगोसे साने फालांगिरिखौ हमदों

गुवाहाटी, 5 नभेम्बर: दिने कार्बि आंलनि बकाजाननि खाथियाव गोबां बिबानि सन्देह' गोनां हेर' इनजो लोगोसे साने फालांगिरिखौ पुलिसआ हमनो हायो। पुलिस सुलुनि बायदिब्ला, बोखानो मोनाय सन्देह' गोनां गोबां बिबानि झगसनि बेसेना हादत गेजेरारि गोसोम हाथायाव गासै 7 कोटि रानिबो बांसिन जागोन। पुलिसआ बकाजाननि खाथियाव सिप्रोमनाय हाबाफारि लानाने साने झगस फालांगिरिखौ हमनो हायो। (□ 6 बिलाइआव)

आमेरिकायाव 47थि हादतगिरि बिसायख'थिनि भट होनाया जागायजेनबाय भारतआव कमला हेरिसनि थाखाय फुजा हेदों



वासिंटेन, 5 नभेम्बर: आमेरिकानि 47थि हादतगिरिनि थाखाय भट होनाय हाबाफारिया भारतारि समयदिथे दिने बेलासिनि 4 रिगानिफ्राय जागायजेनो। 6 नभेम्बर बुधवारखालि फुनि 9 रिगानिसि गासैबो दर 50 राइज्योआव भट होनाय हाबाफारिया जोबगोन। राइज्योफोराव बिसायख'थि जोबनाय लोगो-लोगोनो भट सान्नाय हाबाफारिया जागायजेनगोन। रिपब्लिकन पार्टीनिफ्राय डनाल्ड ट्रम्प आरो डेम क्रैटिक पार्टीनि भारतआरि- (□ 6 बिलाइआव)

भारत रत्न ङ भुपेन हाज'रिकानि थैनाय सानजों लोगोसेनो भलाबारि गोजौसिन गेजेरारि फरायसालियाव राव गोगाथाव सप्ताह फालिदों

कलाइगाव, 5 नभेम्बर: राइज्यो नाडे दिने मुलुगदांखा देखोगिरि, भारत रत्न ङ भुपेन हाज'रिकानि थैनाय सानखौ फालिनाय जादों। दिने बिटिआर उदालगुरि जिल्ला कलाइगावनि साखाथि भलाबारि गोजौसिन गेजेरारि (□ 6 बिलाइआव)

गसाइगावयावबो सुधाकान्ठ ङ भुपेन हाज'रिकानि थैनाय सान फालिदों

गसाइगाव, 5 नभेम्बर: राइज्यो नाडे जों लोगोसेनो दिने गसाइगावयावबो सुधाकान्ठ भारत रत्न ङ भुपेन हाज'रिकानि 13 थि थैनाय सानखौ लोब्बा लानाने मान बाउनाय हाबाफारि खुनाय जादों। गसाइगाव सदर सोहोराव थानाय कमलनाथ कलाव (□ 6 बिलाइआव)

तामलपुर जिल्ला खुंथाया दखल खालामनाय नखरफरोखौ होखारस्त्रादों



तामलपुर, 5 नभेम्बर: तामलपुर जिल्ला खुंथायनि बान्जायनायाव भारत-भुयन सिमना ओन्सोलियाव गोदाने लुजानाय इन्टारनेसेनेल चेक पस्ट, दरगानि सिगाडव गोबाव सान नाडे आयेन बेरेखायै दखल खालामनाय हानिफ्राय माखासे फालांगियायि फसंथान आरो थाखुलिफोरखौ मैया समवारखालि (□ 6 बिलाइआव)

कक्राझारआव ड० भुपेन हाजरिकानि आबुं मुसुखाखौ बेखेवबाय

ड० भुपेन हाजरिकानि मोन 200 निबो बांसिन मेथाइफोरखौ बर' रावआव राव दानरलायगोन: प्रमद बर'

कक्राझार, 5 नभेम्बर: बिटिसिनि गाहाइ मावफुं सोद्रोमा प्रमद बर'आ दिने मुदांखा देखोगिरि ङ भुपेन हाजरिकानि थैनाय सानजों लोब्बा लाखिनाने कक्राझारनि सुधाकान्ठ पार्कआव 'बाड अफ ब्रम्पुत्र' ङ भुपेन हाजरिकानि आबुं मुसुखाखौ बेखेवनाने होयो। बे हाबाफारियाव 'भुपेन्द्र बैभव' मुनि गांसे बिसम्बो बेखेवनाय जायो। बिटिसिनि गाहाइ मावफुं सोद्रोमा प्रमद बर'आ गावनि



बिबुंथियाव गोखोडे बुडेदि बे मुसुखाया ङ भुपेन हाजरिकाखौ मान बाउनायनिखुडे बांसिन- बेयो खौसेथि, जथाइ जौगानाय आरो समाजारि खौसेथिनि गोजेर गोसोखौ दिन्थियो। असमीया देखो, हरिसु आरो समाजारि खौसेथियाव ङ भुपेन हाजरिकानि गोबां बिहोमाफोरखौ दिन्थिनाने, बर'आ खौसेथिखौ बांहोनो थाखाय बिटिसि सरकारनि सोलिबाय थानाय नाजानायखौ नोजेर होयो। बिथाड बड'लेण्डआव गासैबो हारि-माहारिनि गुबुन- (□ 6 बिलाइआव)



गुबुन सिनायथिफोरखौ रैखा खालामनायनि गोनांथिनि सोमोन्दे फोरमायनायजों लोगोसे ओन्सोलनि समाजारि- रांखान्थियायि दावगानायाव बिसोरनि सांग्रां बाहागो लानायखौ रोखा खालामो। बे नोजेरथिनि बाहागो महरे, बर'आ बड'लेण्डनि समाजारि-हारिसुआरि बिथिंखौ बांहोनायनि थांखिजों गोबां जौगालु हाबाफारिफोर फोसावो। फोसावनायफोरनि गेजेराव तामुपुराव मुदांखा हारिसुआरि आइकन कलागुरु बिष्णु प्रसाद (□ 6 बिलाइआव)



31 नं. सिदली बिधान सभा बियाबनि उफ्रा बिसायख'थि हाग्रामा महिलारीआ बि टि सिनि गाहाइ मावफुं सोद्रोमा जानायनि सिमाड, सिमां जानाने थागोन: चन्दन ब्रह्म

31 नं. सिदली बिधान सभा बियाबनि उफ्रा बिसायख'थि

हाग्रामा महिलारीआ बि टि सिनि गाहाइ मावफुं सोद्रोमा जानायनि सिमाड, सिमां जानाने थागोन: चन्दन ब्रह्म

बै बोसोराव प्रमद बर'आ जेबो खामानि मावयाखै: हाग्रामा महिलारी

चिरां, 5 नभेम्बर: इउपिपिएल दोलोनि बिजाथि निर्मल कुमार ब्रह्म आरो बिपिएफ दोलोनि बिजाथि शुद्ध बसुमतारिनि जानाने दिने बिटिसिनि बारग' गाहाइ मावफुं सोद्रोमा हाग्रामा महिलारी आरो बारग' मन्थ्र चन्दन ब्रह्ममोनहा सिदलीनि



काशिकत्रायाव बिसायख'थि फोसाबदिफेदों। एन्डिए जुथाय दोलोनि बिसायख'थि सामलाय आफानि मावखुलियाव बारग' मन्थ्र चन्दन ब्रह्मआ गावनि मोनसे समनि लोगो बिपिएफ दोलोनि आफादगिरि, बिटिसिनि (□ 6 बिलाइआव)

फैगौ 25 नभेम्बरनिफ्राय 20 डिसेम्बरसिम लक सभानि गोजां बोथोरनि जथुम खुंगोन



गुवाहाटी, 5 नभेम्बर: फैगौ 25 नभेम्बरनिफ्राय 18 थि लक सभानि गोजां बोथोरनि जथुमया जागायजेनगोन आरो बे जथुमया 20 डिसेम्बरसिम सोलिगोन। संबिजित साननि लोब्बाजों 26 नभेम्बरखालि जुथाय जथुमया खुंनाय जागोन। बे जथुमया गोजां संसदिनि मिरु सावरा न'लाडव खुंगोन। संबिजिनि 75 बोसोरारि फोबॉनि लोब्बाजों संबिजि (□ 6 बिलाइआव)

कार्बिआंल जिल्ला दुलाराइ बाथौ गौथुमआ गुवाहाटी बाथौफुरिनि गाहाइ बाथौ थानसालियाव गोथार मंगलबार सानाव आर'ज गाबदों



गुवाहाटी, 5 नभेम्बर: थानाय माखासे दानफोर सिमानिफ्राय गुवाहाटीनि बाथौफुरियाव



गवनाय हाबाफारिखौ लाबोबाय थायो। बेबयदिनो आसामनि मोनफ्रोमबो जिल्लाफोरा दुलाराय बाथौ गौथुमखौ सान आरो सम रानलायनाने गुवाहाटीनि बाथौफुरिनि बाथौ थानसालियाव सप्ताहनि मोनफ्रोमबो मंगलबारव आर'ज गाबनाइ हाबाफारिखौ लाबोबाय थानाय नुनो मोनबोदों। बेबायदिनो दिनेबो कार्बिआंल (□ 6 बिलाइआव)

एबसुआ फैगौ 2030 नि गेजेराव हारिनिफ्राय सा 2000 डक्टर आरो 5000 इन्जिनियारफोर सोर्जिबावनायनि मिसनजों खामानि मावगासिनो: अबित



कक्राझार, 5 नभेम्बर: दतमा दखरा दुलाराइ बर' फरायसा आफादा दिने गुन गोनां सोलोथाइजों गेरेमसा बर' माहारि दानाय, समाजारि थासारि आरो खोमसि फोथायनाय आयदाफोरखौ लानाने साइकेल हान्जा सुरनाय हाबाफारिखौ ज्ञानज्यति लाइब्रेरि गेलेग्रा (□ 6 बिलाइआव)

27 थि गाम्बारि लाइसि बेखेवदों

बर' आइजोफोरा लिरनायावल' नडा फालांगियावबो आखाय गोनां: ङ हेमेन्द्र शर्मा

रडिया, 5 नभेम्बर: बर' आइजो लिरगिरि गौथुम आरो बर' बिफान, रडिया फरायसालिमा जथायै बान्जायनायाव दिने बर' आइजो लिरगिरि गौथुमनि दानथामयारि मोगं लाइसि गाम्बारिनि 27थि बिसान बेखेवनाय आरो थुनलाइयारि



जथुम जानाने थाडे। बर' आइजो लिरगिरि गौथुमनि आफादगिरि अनजु बसुमतारिनि आफाद दैदेन्यायाव जानाय बे लाइसि (□ 6 बिलाइआव)

बेखेवनाय हाबाफारियाव लाइसि बेखेवगिरि महरे बाहागो लायो रडिया फरायसालिमानि लेडइ गोरायुं ङ हेमेन्द्र शर्माआ। लाइसि बेखेवगिरि महरे होनाय बिबुंथिनि गेजेरजों बिथाड बर' आइजोफोरखौ लिरनायावल' नडा बेफार-फालांगियावबो (□ 6 बिलाइआव)

खेल' इण्डिया उमेन्स उशु लीगनिसिम बिटिसि सरकारनिफ्राय 1 लाख रांखान्थि हेफाजाब होदों

कक्राझार, 5 नभेम्बर: बिटिसि सरकारनि गेलेमु आरो लाइमोन अन्साइ बिफानआ खेल' इण्डिया उमेन्स लीगनिसिम 1 लाख रांखान्थि हेफाजाब होदों। माहारियायि थाखोनि जाज आरो कच उदांखि नाजरीआ खेल' इण्डिया उमेन्स लीगनि बिबानगिरिफोरनो गथायनाने होदों 1 लाख रांनि



हेफाजाबखौ। बिटिसिनि गेलेमु बिफाननि मावफुं सोद्रोमा दावबायसा बर'नि अन्नायाव खेल' इण्डिया उमेन्स उशु लीगनो 1 लाख रां हेफाजाबखौ होनाय जादों। नेसेनेल उशु जाज आरो कच उदांखि (□ 6 बिलाइआव)

खाग्रारि दख'रा एबसुनि बान्जायनायाव सोलोथाइयारि जांखिथाइ मावथांखिखौ बिथा खालामनाने साइकेल हान्जा सुरदों

उदालगुरि, 5 नभेम्बर: खाग्रारि दख'रा एबसुनि बान्जायनायाव सानसेनि हाबाफारि लानाने सोलोथाइयारि जांखिथाइ मावथांखि बिथा खालामनाने साइकेल हान्जा सुरनाय हाबाफारिया दिने मोजायै जोबलाडे। बे साइकेल हान्जा सुरनाय हाबाफारियाव खमैबो सा 300 (थामजौ) (□ 6 बिलाइआव)



कलाइगाव, 5 नभेम्बर: उदालगुरि जिल्लानि कलाइगाव गोजौसिन गेजेरारि फरायसालिनि गोदाने लुनाय न' बेखेवदों



कलाइगाव, 5 नभेम्बर: उदालगुरि जिल्लानि कलाइगाव गोजौसिन गेजेरारि फरायसालिनि गोदाने लुनाय न'खौ मैया ओन्सोलनि साने सुबुं थान्दे एमएलए दुर्गा दास बर' आरो बिटिसिनि मावफुं सोद्रोमा दिगन्त बरुवाआ बेखेवनाने होयो। मख'नो गोनादि, आसामनि गिबि मन्थ्र ङ हिमन्त बिश्व शर्माआ खोथा होनाय बायदिथे कलाइगाव मदेल फरायसालिमा (□ 6 बिलाइआव)

सुजुगिरिनि खोलोम

उफ्रा बिसायख 'थिनि सावगारि

खुंजानो गोनो उफ्रा बिसायख 'थिया गेजेरव माखासेल' सान दंबावसै। सोलिफु दाननि 13 अक्टूबरको राइज्योनि लान्दां जानाने थानाय दर 4 बिधान सभा बियाबफोरजो लोगोसेनो बड'लेन्ड हालामनि सिडव थानाय 31 नं सिदली बिधान सभा बियाबआवबो उफ्रा बिसायख 'थिया खुंजासिगोन। उफ्रा बिसायख 'थि खुंजो आयगया समफारि फोसावनयनि उनिफ्रायनो उफ्रा बिसायख 'थियाव बादायनो ओंखारनाय दोलोनि दैदेनगिरिफोर, मावफारियाफोर आरो बिजाथिफोर सांग्रां जानायजो लोगोसेनो दासादि फोसावदिनायावबो मुखुब नांथावनयखो नुनो मोन्नाय जादों। गिदरि गिदरि गौमा खुंजायनि सोलायै दरफा-दरसे गामिफोरखो लानाने आरो हाथाय-बाजार, चकफोरव फोसावदिनायै नांथावनयखो गोबासिनै नुनो मोन्नाय जादों। बिसायख 'थि आयगया बे उफ्रा बिसायख 'थिखो गोदानै दाफुनाय बियाबनि सोलायै सिगांनि थाखानाय बियाबनि गेजेरवको खुंजो फोसावथायबो होदों। राइज्योनि गुबुन दर 4 बियाबनि बादि नंद्रायाब्लाबो 31 नं सिदली बियाबआव मोनथाम ख'नानि बादायनाय फेगोनखो रोखा हम्दानानै लादों सानगोरोंफोर। बे उफ्रा बिसायख 'थियाव बड'लेन्डनि मोनै गोखों ओन्सोलारि दोलोजो लोगोसेनो माहारियारि थाखोनि गोजाम राजखांथि दोलो कंग्रेसआबो बादायनो साखा-फरा जानायखो नुनो मोन्नाय जादों। बियाबनि सिडव थानाय बाडय सानखोनि भटरफोरखो सानजावथायव लानानै बिसायख 'थिनि दावहा थिलियाव ओंखारदोब्लाबो माहारियारि दोलोनि थांखि आरो मिजिथि लानाया जाफुडबो जाहैनो हागौ होन्नायै सावरायनायबो नुनो मोन्नाय जादों। माहारियारि दोलोया मिजिथि लानाय भटरफोर दावहायाव ओंखारनाय गुबुन मोनै दोलोयावबो खवसेनि बासिन फेनो हागौ होन्नायै सावरायनाय नुनो मोन्नाय जादों। बे थासारिया सौफेयोब्ला सिदली बियाबआव ओन्सोलारि दोलो मोनैनि गेजेरवको गोखों बादायलायनाय फेगोन बेखो नुहरो।

थानाय सुबुं आफादिनि बिसायख 'थिनिफ्राय लान्दां जानाने थानाय सिदली, बडइगाव, डलाइ, सामगुरि, आरो बिहाली बियाबनि उफ्रा बिसायख 'थि खुंजो बिसायख 'थि आयगया 13 नभेम्बरखो थि खालामदों। उफ्रा बिसायख 'थिनि भट फोबोनि जिसे साननि उन एबा 23 नभेम्बरआव बेनि फिधाय सानाय आरो फोसावनयनि बाश्राबो फोसावदों आयगया। खुंजो गोनो उफ्रा बिसायख 'थियाव एनडि ए जुथाय हान्जानि दोलो बिजेपिनिफ्राय डलाइ, बिहालीआव, बडइगाव आरो सिदलीआव एनडि ए जुथाय हान्जानि अगप आरो इडपिपिएल दोलोनि बिजाथिया बादायदों। बेराफासै कंग्रेसया मो 5 बियाबयावको बादायनो ओंखारनाखो नुनो मोन्नाय जादों। मिबथि मोन्नाय बादियै कंग्रेस दैदेनाय राइज्योनि बेरेखा हान्जायाव बियाबखो लानानै गावजों-गाव गोरबलायनो हायै जानानै फैनयाव बिसेरनि मदतगिरि भटरफोर गावसानाय फेनो हागौ आरो बेनि मुलाम्फाखो एनडि ए जुथाय हान्जानि बिजाथिफोरको मोगोनो होन्नायै दाजाब-दानख' खालामनायबो नुनो मोन्नाय जादों। बेराफासै बेखोबो रोखा जानो हायोदि- मदत आरो गोहोम थानायनि थाखानो थानाय बिधान सभा बिसायख 'थियाव दोलोफोरनि देहानायखो नुनो मोन्नाय जादोंमोन। बेखानयो सानाय सौफेयो, दोलोफोर गावबा गावनि दखलाव थानाय बियाबफोर सिगाडव जैरैमोन बेबादिनो फेगो उफ्रा बिसायख 'थिनि फिथायावबो सिगांनि बादियैनो फेफिनगोन। बिब्दि सानाय आरो मदतगिरिफोरनि सायाव फोथायनाय लानायनि थाखानो उफ्रा बिसायख 'थियाव दोलोफोर गुबुन बिसायख 'थिनि रुजुनायाव गोबांथार सांग्रांथि आरो गोनांथि होनायखो नुनो मोन्नाय जाय। खुंजानो गोनो उफ्रा बिसायख 'थियावो बे रोखोमैनो फेगोन आरो बिब्दि सानायखो लानदोंबो जानो हागौ माखासे दोलोफोर। बेराफासै मिर, राइज्यो आरो ड'थि फारिलाइ ओन्सोल बड'लेन्डयाव जुथाय सक्कर सामलायगासिनो थानाय एनडि ए जुथाय हान्जानि सोद्रोमा दोलो इडपिपिएल आरो सिदली बियाबनिफ्राय लान्थियै खेबथाम देहानाय बिपिएफनि सोर बिजाथिया उफ्रा बिसायख 'थिनि दावहाआव जोवथा रंजानाय लानो हागोन बेखो समआसो दिन्थिसिगोन।

दिनेनि फान्जामुथि

राशि बाइदियै मुंनि गिबि हांखो
 मेघ : अल वृष : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ठ (ण ष)
 तुला : त र बृश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

- मेघ:** लोको जालायनाया बांगोन। फारफोमर्थिबो मोजां। गोजोनै सम बारहोनो हागोन।
- वृष:** सोरबा आंगो जानायनि थाखाय जिंगा सिनांनो हागौ। गोसोखो लोरबां लानो नाड।
- मिथुन:** खामानि मावनायाव जेना नुजानो हागौ। सानाया फेलें थानो हागौ। गोसोखो हम्था।
- कर्कट:** देहा-सावसिआ खहा जालानो हागौ। जैरैबो सांग्रां जानानै थानांगोन।
- सिंह:** लोको-दिगि जालायनायै थानाया समानैनो थागोन। सोरबा लोगोनिक्राय हेफाजाब मोन्नो हागोन।
- कन्या:** बेफार फालांगि मावनायाव रांखावरि मुलाम्फा मोन्नो हागोन। दिनेनि सानआ मोजां।
- तुला:** सोरनिफ्रायवा थुलुंगानायखो मोन्नो हागोन। गोसोखो गोजोन मोनगोन। मोजां सान।
- बृश्चिक:** जैरैबो सुखुखो मोन्नो हागोन। नख'र संसारआ जौगानाय फेगोन। मोजां सान।
- धनु:** बे राशिनि थाखाय अशुभ सान। गोथार खामानिखो मावनो नाड। गोसोखो हम्था।
- मकर:** माबा मोनसे मोन्नायनि सुजुग सुबिधा मोन्नो हागोन। गोसोखो गोजोन मोनगोन।
- कुम्भ:** लोको जालायनाया बांगोन। लोगोनिक्राय हेफाजावफोर मोन्नो हागौ।
- मीन:** मानिबा जाहोननि थाखाय जिंगा सिनांनो हागौ। गोसोखो शान्ति मोन्नाय नड।

गिबि मन्थि यगीनो हुमखि हरग्रा लाइमोननि गोसोयारि थासारिआ गाहाम नडः पुलिस

मुम्बाइ, 5 नभेम्बर: मेसेज दैथाय हरनानै उत्तर प्रदेशनि गिबि मन्थि यगी आदित्यनाथखो जिउ फोजोबनो हुमखि होनायनि दायाव हम्जानाय लाइमोन सिख्लाखो जेय सेबनयनि उनाव मुम्बाइ पुलिसआ हगारनानै होफिनबाय। सासे बिबानगिरिआ थांनाय समबारखालि फोरमायनाय बादिब्ला, दायनिगिरि फातिमा खानखो एटिएसआ उल्हासनगर पुलिसदों लोगोसे जुथाय हाबाफारिआव हम्दोंमोन। बिखो जेरा सेबनो थाखाय मुम्बाइआव लाबोयो आरो उनाव रबिबारखालि हगारनानै होयो। मुम्बाइ ट्रफिक पुलिसनि ह्वाटएप नम्बरआव शनिबारखालि मेसेज फेदोंमोन, जेयव जुदि आदित्यनाथआ 10 साननि गेजेरव गिबि मन्थि



मासिनिक्राय एंगलायाब्ला राकांपानि दैदेनगिरि बाबा सिदिकी बायदि बिखोबो जिउ फोजोबनाय जागोन होन्नाय हुमखि होयो। नायबिजरनायाव पुलिसआ मिथिनो मोनोदि, फातिमाआनो बे मेसेजखो दैथायहरदोंमोन। फातिमाआ ठाने जिल्लानि उल्हासनगरनि तागिबि आरो बियो आइटिआव बिएससि

माद्रासा एक्टखो सुप्रिम कर्टआ संबिजरारि थांखि होन्नायै फोसावदों



गोदान दिल्ली, 5 नभेम्बर : सुप्रिम कर्टआ गिदरि थांखि फोसावनानै उत्तर प्रदेश माद्रासा सोलोंथाइ बर्ड बिथोनमा 2024 खो संबिजरारि होन्ना फोसावो कर्टआ बेजों लोगोसेनो इलाहाबाद हाइकर्टनि 22 मार्चआव फोसावनय थिंखिखो नेवसियो, जेराव इडपि माद्रासा एक्टखो केन्सेल खालामदोंमोन। चीफ जास्टिस डि.वाइ चन्द्रचुरनि बिबान सामलायग्रा बेन्चनि

नेम-खान्थि बानायनो हागौ। सोरबा फरायसाखो धोरुमारि सोलोंथाइनि थाखाय नारसिनो हाया। माद्रासा बर्डआ माखासे गोजो डिगि होनो हाया, जाय इडजिसि एक्टनि बेरेखा। इलाहाबाद हाइ कर्टआ बे बोसोरनि थांनाय मार्च दानाव इडपि माद्रासा एक्ट 2004 खो संबिजरारि नडै होन्ना फोसावदोंमोन। कर्टआ बुंदोंमोनदि, आयेना धोरुम सायख 'यै थांखिखो सिमफायदों आरो माद्रासाफोर फरायग्रा गथ'फोरखो नेम-खान्थियारि फरायसालिफोरव बोस्लायलानायनि बिथोन होदोंमोन। सुप्रिम कर्टआ बे बिथोनआव सिगा डायवको अन्तरिम होबथाना दोन्दोंमोन।

सामलायथाय गोमानाय डिटिसि बासआ सानै सुबुंफोरखो होखेमदों

गोदान दिल्ली, 5 नभेम्बर: राजथावनि दिल्लीयाव मोनसे गिखंथाव जाथाय सोमजिदों। बे जाथायाव कन्स्टेबलजों लोगोसे सानै सुबुंफोरनि जिउ गोमायो। सानै थैनायफोरनि नख'राव दुखुनि जोमै साग्लोबदों। थाना सिभिल लाइन्स ओन्सोलाव गंसे बासआ मनेस्ट्री मार्केट, फुटपातआव सौग्रावनानै सासे सादा-बुसा सुबुंजों लोगोसे थाना सिभिल लाइन्सयाव थिसनय पुलिस कन्स्टेबलखो सौखेबो। बे जाथायाव पुलिस मावसुमा आरो सासे सुबुड जायगायावको जिउ गोमायो। बे जाथायनि उनाव पुलिसआ बास सालायग्राखो ग्रेप्टर खालामो। जिउ गोमानाय दिल्ली पुलिस कन्स्टेबलखो नागालेन्डनि थागिबि भिकटर (27) मुडै सिनायथि होदों आरो बियो पिसिआर बाइकआव पेट्रोलिं



डिउटियाव दडमोन। बियो थांनाय 2023 नि जुन दाननिफ्रायनो सिभिल लाइन्स थानायाव थिसन जादोंमोन। बेराफासै जिउ गोमानाय गुबुन सासेखो दासिमबो सिनायथिनो हायाखै। पुलिस बिबानगिरिफोर फोरमायनाय बायदिब्ला, बासआव डिटिसिनि सासे डिडनि अनगयै सासेबो दावबायारिफोर गैयामोन। डिटिसि बासनि ड्राइभर बिन्द कु मार (57) गाजीपुरनि थागिबिखो पुलिसनि जिम्मायाव लानाय जाबाय आरो बे केसखो आथिखालाव आयेनारि नायबिजरनासिनो दडा दिल्ली पुलिसआ बुंबावदोंदि, बेनि सिगां थांनाय 31 अक्टबरनि बेलासियाव दिल्ली हात्था-मेला आफाद (डिटिसि) आव पटखा गावनायाव अर नांनयजों सानै दावबायारिफोर खामजादोंमोन। बे जाथायखो नायबिजरनानै मोनोदि, सासे दावबायारिया माखासे पटखा लानानै थांगसिनो दडमोन आरो बे समावको बासआव अर नांदोंमोन।

2000 रां नटआ बन्द जानायनि उनावबो सुबुंफोरनि आखाइयाव गोबाडै-नो दडः रिपर्ट

गोदान दिल्ली, 5 नभेम्बर: रिजाभ बैंक (आरबिआइ)आ से खवसे बोसोर सिगां 2000 रां नटखो बन्द खालामदोंमोन। बैंकआ सुबुंफोरनो बेफोर नटखो बैंकआव गथायनो थाखाय सम होदोंमोन। दासिमआव 2000 नटनि 98 जौखोन्दो आरबिआइआ मोनफिनबाय। नाथाय आद्रा नटफोर दासिमबो

सुबुंफोरनि आखाइयाव दडा बे नटखो लानानै आरबिआइआ गिदरि आपडेट होदों। आरबिआइआ बुंदों, बांसिन नटआ सरकारनिसिम सौहेबाय। नाथाय सुबुंफोरनाव 6,970 कौटि रां 2000 नटफोरा दंबावो। बे अन्जिमाया 31 अक्टबर 2024 सिमनि। गोदान



कानाडयाव भारतयारिफोरनि रैखाथिखो लानानै भारतआ जिंगा सिनाय फोरमायदों

गोदान दिल्ली, 5 नभेम्बर: भारतआ कानाडनि ब्रेम्प्टनआव हिन्दुफोरनि फुजा होग्रा मोनसे जायगायाव खालिस्तान मददगिरिफोर गाग्लोबो आरो फुजा होनो थाखाय ज' जानाय भारतयारि फोलेरनि सुबुंफोरनि सायाव गाग्लोबनाय जाथायखो गोखों रावजों सौंखारिनानै कानाडा सरकारखो बुडोदि, बिसेर धोरुमारि जायगाफोरव बेबादि गाग्लोबनायनि रैखा मोनयनि रहा लानांगौ। ससेल मिडियाआव भाइरेल जानाय भिडिअआव रोखायै नुनो मोन्दोंदि, हिन्दु मन्दिरफोरनि सिगाडाव खालिस्तान मददगिरिफोर टूली गारिफोरजों फे यो आरो खालिस्ताननि फरिफलाजों बेयाव ज' जानाय सुबुंफोरखो बुयो। बेयावनि



पुलिसफोरखो रैखा खालामनाय नुनो मोन्दों। गाहाइ मन्थि जास्टिस टुड'आबो बे गाग्लोबनायखो गनायजाथाव नड होन्ना जायगानि पुलिसजों सानै-साथाम सुबुंफोरखो हम्नायनि बाश्रा बुडो। भारतनि गुबुन हादरयारि बिफाननि बुंथिगिरि रन्धीर जयसवालआ बुंदोंदि, सानसे सिगां ब्रेम्प्टनआव हिन्दु मन्दिरआव उतखारिफोरनि गाग्लोबनायखो

मेघालयआव उद्यम फर्सनो हा हगारनायखो एडसआइटिअनिफ्राय गोखों। अजद होदों



शिल, 5 नभेम्बर: हाइनिभेट्रे इन्ट्रग्रे टेड टेरिटरियेल अर्गनाइजेसन (एडसआइटिअ) आ मेघालय सरकारनि हा आरो दै सरैखाथि बिफाननि बिथोनगिरिनो लाइजाम हरनानै बुडोदि, उद्यमआरि जौगाखानि थाखाय हाग्रा हा, जायखो सिटिआइ बर्नी मुडै मिबथिनाय जायो, बेनि जाथावना हा, दैनै रैखाथि मिशनजों सरजावनाय। बे थांखिनि सायाव अजद दैखाना हान्जाया आबहावा, समाजआरि आरो रांखाथियारि गोहोमफोरखो लाना जिंगा फोरमायो, जाय फोलेरनि गाहाम

आरो इयुन जौलैफोरनि सावसिखो खै फोदआव खोखलैनो हागौ। गांसे लाइजामआव एडसआइटिअ बुंदों गावसोर हाइनिउट्रेप इन्ट्रग्रे टेड टेरिट 'रियेल अ ग र्ना इ जे स न (एडसआइटिअ), उद्यमआरि जौगाखानि थांखिनि थाखाय सिटिआइ बायरनी मुडै मिबथिजानाय सोम्बोर हाग्रा गोनां हानि जाथावना हेन्डआबरनि थाखाय नेम-खान्थि बायदियै गोखों अजद होनो थाखाय बे लाइजामखो लिखरनाय जादों। बे थांखिनि

कलम्बियानि इउएन जथुम्माआव अरुनाचल प्रदेशनि बायडाइभासिटी कन्डजाभेसनआ हादरखो दैदेन्दों

इटानगर, 5 नभेम्बर: अरुनाचल प्रदेशआ केलीआ कलम्बियाआव खुंजाय इउएन बायडाइभासिटी सम्मिलन (इउएन सिबिडि) आव हारिमायारि थाखोनि सिनायथि मोन्नो हायो। एनगिलयों टेमनि दैदेनायाव राइज्योनि मोनसे थान्दै हान्जाआ बायडाइभासिटी कन्जाभेसनआव राइज्योनि जाफुंसारनायनि सल'फोर आरो जाफुंसारनायफोरखो दिन्थिफुडो। माइक्रुवर्लिंग साइट एक्सआव अरुनाचल प्रदेशनि गिबि मन्थि पेमा खान्दुआ आबहावायारि दिदोमथि आरो हाग्रानि जिब सरैखाथिनि फासं गावसिनि बिबानखो सोराडव लाबोनानै मुलुगनां जौसाडव राइज्योनि दैदेनायाव गोग्गानाय



फोरमायथिदों। गिबि मन्थि खान्दुआ एक्सआव लिखदों, अरुनाचल प्रदेशनि थाखाय गोग्गानायनि सम, श्री एनगिलया टेमनि दैदेनायाव जौनि थान्दै हान्जाया कलम्बियानि केलीआव इउएन सिबिडिआव भारतखो दैदेन्दों आरो बायडाइभासिटी कन्जाभेसनआव अरुनाचलनि जाफुंसारनायनि सल'फोरखो

आपडेट बादियै 98.04 जौखोन्दो 2000 रांनि नटआ आ र बि आ इ सि म सौहै फिनबाय। थांनाय दानसेआव 147 कौटि रां बेसे ननि नटफोरखो मोनफिन्नाय जादों। आरबिआइआ कीन नट पलिसि बादियै 19 मे 2023 आव 2000 रांनि नट

बोखानानै लानायनि थांखि फोसावदोंमोन। मिरु बैंकआ बे नटखो गथायनायनि समाय सिमनाखो गेजेर-गेजेर बारायनानै होबाय थदों। मख'जाथावदि, 2000 रांनि नटखो 2016 नि नभेम्बरआव बाहायनो हगानाय जादोंमोन। बै समाव सरकारआ 500 आरो 1000 रांनि नटफोरखो बन्द खालामदोंमोन।

मोनसेबो उरां गाथोन गैयै मुलुगनि फिसा-फिसा हादर

मुलुगआव गोबां हादरफोर दड, बेफोरनि खायसेआ खालि हिसाबै गिदर आरो खायसेआ जोबोद फिसा। बेफोरनि गेजेराव खायसेआ जौगाखानाय, खायसेआ गेजेरा थाखोन एबा जौगाफु आरो खायसेआ निखावरनि बे'खनावनो दड। मुलुगआ आथिखालाव गोबां जौगाबाय। बिगियाननि जौगाबोनायजों लोगोसे दावबायनायाव जोबोद खम समावनो सौहैनो हानाय बादि उरां जाहाजजों बांसिनै हानिथसै। जाउनाव दरसे हादरआव नेसनेल आरो इन्टारेसनेल गोबां उरां गाथोनबो दंसै। नाथाय माखासे हादर दड जेराव गंसेबो उरां गाथोन गैया। अब्लाबो मुलुगनाडै नि दावबायारिफोरा बेयाव दावबायहैनो मोजां मोनो। बेफोर हादरनि नसुसे हादरसिम उरांजों दावबायना हा लामा एबा गारि-मथर आरो नडब्ला ट्रेनजों बै फिसा हादरसिम दावबायनागौ जायो, जेराव गंसेबो उरां गाथोन गैया। मानोना बेफोर हादरआ जोबोद फिसा। उरां गाथोन गंसेबो गैयै हादरफोरा जादों-

(1) अन्डरा:- बेयो फ्रान्स आरो स्पेनि गेजेराव फाइरेनिस हाजोफोराव मोनसे हायेनजों बेंखनाय माइक्रस्टेट। बे हादरआ गावनि स्की रिसर्टस आरो इउटिफ्री शपिनि थाखाय



मिथिसारजायो। बेसिम सौहैनो थाखाय न'सुसे हादर फ्रान्सनि टुलुज-ब्लान्केक उरां गाथोन आरो नडब्ला दरसेबाव न'सुसे हादर स्पेनि बांसिलना-एल प्रेट उरां गाथोनआव ओंखारहैनांगौ एबा बेयाव गाखोहैनांगौ। बेयो अन्डरानिफ्राय 150 कि:मि: गोजान जायो।

(2) भेटिकान सिटि:- बेयो मुलुगनि बयनिखुइबो फिसासिम हादर, जाय रम आरो इटलीनि गेजेराव 0.49 बर्ग कि:मि: खालि आवग्रिना दड। बेसिम सौहैनो थाखाय खाथिसिन उरां गाथोनआ जादों रमनि लियनार्ड-दा-भिन्सि फिमिसिन' उरां गाथोन, जायखौ रम फिमिसिन' होन्नानैबो मिथिनाय जायो। बे उरां गाथोनआ भेटिकान सिटिनफ्राय 30 कि:मि: गोजान जायो।

(3) मनाक :- इउरपियान

हादर मनाक 'खौ लाकजारि केसिन', जाहाज गाथोन आरो मुदांखा ग्राड फ्रिक्सनि थाखाय मिथिनाय जायो। मनाक 'खौ धोनिफोरनि थाखाय सोर्गोफुरि होन्नानैबो बु'नाय जायो। दावबायग्रा जायगा महरै बेयो बयजोंबो अन्सायजायो। नाथाय बेसिम सौहैनो थाखाय फ्रान्सनि उरां गाथोन नाइस कटै डि अजुरआव ओंखारहैनांगोन, जाय मनाक 'नि साखाथिसिनआव थानाय उरां गाथोन। बे उरां गाथोनआ मनाक 'निफ्राय 30 कि:मि: गोजान जायो।

(4) सेन मेरिन :- बेयो मुलुगनि गोजामिसिन गनरइज्योफोरनि गेजेराव दरसे। बे हादरआ मोनसे हाजोयारि माइक्र स्टेट, जाय आबुडै इटलीजों बेंखनजानाय। बेनि गासै आवग्रिथाया 61 बर्ग कि:मि:ल'। बेसिम सौहैनो

थाखाय खाथिसिन उरां गाथोनआ जादों इटलीनि रिमनीआव थानाय पेडेरिक फेलिन', जाय सेन मेरिन 'निफ्राय 25 कि:मि: जान्थायाव दड।

(5) लिक्टेन्सटीन:- हादर लिक्टेन्सटीनआ मुलुगनि धोनिसिन हादरफोरनि गेजेराव दरसे। बेयो सुइजारलेन्ड आरो अस्ट्रियानि गेजेराव 160 बर्ग कि:मि: गुवार गोसारनै दड। बे हादरआ गावनि सोमोनाथाव एल्पाइन लेन्डस्केप आरो मन्डियाभल स्ट्राक्सारनि थाखाय मिथिसारजायो। बेसिम सौहैनो थाखाय खाथिसिन उरां गाथोनआ जादों सुइजारलेन्डनि जुरिका उरां गाथोनआ बेनिफ्राय 130 कि:मि: गोजानआव दड।

आं लिरगोन

आं खन्थाय लिरगोन आं सल' लिरगोन आं बायदि बायदि लिरगोन। आंनि खन्थाय रायथाय सल, लिरनायफोरा सतिस चन्द्र, रुपनाथ ब्रह्ममोननि बायदि जायाब्लाबो आं लिरगोन आं मेंया आं आजिया। मालाया जेखि बुड मालाया जेखि होना आंनि खन्थाय रायथाय सल' लिरनायफोरखौ। आं फासया आं नागारा आंनि खन्थाय रायथाय सल' लिरनायफोर गुबै जायाब्लाबो। आं लिरगोन आं लाजिया आं मेंया आं थार'आ। मालायहा जेखि बुड मानो थेवबो आं फासया आं नागारा।

मुक्ति मिथिसार नाजार्नि गामि- सेसाफारा (हालां बाजार)।

सैथो मोजां मोनलायनायाव

सैथो मोजां मोनलायनायाव गैया लाजिनाय गिनाय गैया बेयाव माब्लाबो जेन्नाय। सैथो मोजां मोनलायनायाव गैया गिदरि उन्दै बैसोखौ लानानै फाराग- सैथो मोजां मोनलायनायाव गैया धोनि गोरिबनि थाखो राननाय। सैथो मोजां मोनलायनायनि ख्लाबआव जाय सुबुनि गोसो आरो सोलेरा हाबो अब्ला बे सुबुड रावखौबो सिनायनो हाया। नाथाय दं सैथो मोजां मोनलायनायाव- रंजानाय गोरोबनाय सुखु गोजोन मिनिनाय गाबनाय दुखु हांमा मुहैनय एंगारनाय अनसायनाय नाजावनाय। सैथो मोजां मोनलायनायाव आरोबाव- थाबावो हास्थायनाय जुजिनाय नाजानाय जोबथारनायाव हाथारब्ला जिउखौ दान होनाय.....। आंबोदि रैरुप नंखाय मोजां मोननायनि फाव खालामाखे, सैथो मोजां मोननायनि ख्लाबाव अराय थैस थांसनि थाखायसो हाबदों नोंखौ लानानै लुनो सान्नाय सनानि देराखों थारैनो मोगथां नुतुगआव नोंखि जाफूसार होनो हागोन ?

-फुजा सोरां नाजार्नि

आंनि जिउनि सल'

मुक्ति बिरकां वसुमतारि

सिगां 'नमस्कार' लायो आं बर'फोर अन्नानै खोनासं बाश्राखौ नोंसोर गिदर मानसिफ्रा लिरा जिउ खौरां 'उपाय' गैया लिराबा आंनिखौ आं गुबुन मुड आंनि 'बिनोद' मेहरा टाउननि आं सासे गाहाय बेहरा आय आफा आरो समायना सानै बिनानाव रं-रुफा जुफिदों जौहा खाफालाव। मुड आयनि गयसि ब्रह्म चौधुरि दखना गिलिरखाय गानो शारी। मेगनाव खजल आथिडव हाइहिल जुथा गुस्थियाव लिफस्टिक, खाफालाव फोथा। सिनेमा नायनो मोनाब्ला जेब्लायबो नारा-नाथा आइजों आफा जों गैया इसेबो गोरोबनाय। श्री थुका गरसि ब्रह्म चौधुरि आफानि मु गाननाय द्रसआ काकि हाप- पेन गुसु आफाआ स्कुलनि सासे इनसपेक्टर 'घस' लानानै चारिआ लाय-लाथर। आयआनो न'नि गाहाय इदिरा गान्धी। आफया हाग्रा मायनि एम्फौ गान्धी। दानि मुगानि आं सासे आय-टु-डेट, मेगनआव गलस ख र'आव मांखि हेट, ब्रै ईसि बेल्ट जिउ जिउ' जिउ' सेमेन, मैदेर आयथिं टेरिकटन लंफेन। सेहरा खट'थक'चनि बाबा गिथाव-बाथाव,। बावजाव खानायआव गैया थरथिंसे थाव, मा गामि आरो' मा टउन-चहर जेरावबो नुगोन आंखौ सान-हर। बोसोराव सोलायो स्कुल गंथाव-गंभ्रै जि थाखोआवनो जाबाय 'पुत' बोसोरब्रै लजिडव थायो जों गासै साबा; क्लासआव नाथाय सानसेबो हाबा बोरमा अमा दाउ फरौ हांसो गामियाव खावहैयो जों जैरै गोसो। लों जा गेले थास उन्दु मिनि-रंजा जोंखौ रावबो साला दानांजा। जौनि गाहाय 'आडाशालि'नटरास जेब्लायबो जों बेवहायनो महाराज, भुटाननि एकस,-लु कस,-एकस, राम लॉब्लासो मिथिगोन बेसे आराम बेलासेआ व नुगोन जोंखौ फिल-फलां, प्चन सिनेमा हलाव आ लां फलां सोरबा सिख्ला जौनि से रजों थारों ? दासान इस बेखौ जंखायनो बावदों गुबुन सेग्राजों जौहा प्पेण्डाई, f मलिया मानोबा बिसोर जोंखौ एसेबो सैया जौनि सान्नाय- हनाय मावनाय सोदोमश्रीनि मुगानि फासै बारनाय मिथिया जों हारिनि गावनि थांनाय- थैनाय मोनब्लानो जाबाय जौनो जानाय-लौनाय मा लिरबावगोन आंनि जिउ खौरां लिरनानै फोजोबनो हाया बाश्राया गोबां। बेवनो दोनथ'नाय जाबाय सोरां-बारां ?

रंजालि गथ'फोरनि सौरा

आं सासे मावमुर्जिबि

आं सासे मावमुर्जिबि मावनायनो आंनि बिमाव मावनायनो आंनि दोहोराम बेनो आंनि खान्थि, मावनायाव मालाबाबो आं बाफेराखे बेनो आंनि आरसिन। आंनि मावनायाव बेनो मोनसे नख'रनि-इयुन जोलैनि जोंखोल मिजिं, बेनो थार-थाना थायनि लामा। आंनि देफायो हाजोनि अन्थाइ आंनि आखाइ बिलिरनायाव मुसुखाया जिउ मोनखाडे, हालेवो आं-नांगोल मुथि हमनानै बसुमुथिखौ आबादजों खांसोर खालामनो। मावखुलियाव जिरायना आं कम्पिउटर सालायो बिबानगिरि जाना हिसाबो लाखियो, आंनो लुयो गेदेर कंक्रिट न' आंनि अनगायै सोलिया दारिमिन। मालाबा रानि आंखालाव फाननाडे मावमुं गोहोखौ --- गुबुननि सिमानि गावफोराबो फानो ख'बसे आदार उदैनि थाखाय, मावसोमो समाजाव गोसो होसारना गथायो बिमाव थिलिआव अराय आंनि गेबें गोसो। समाज जौगानायनि थाखाय मावबो आं अराय, रोजा रोजा सुबुं जौगानाय हाबिलया आंनि गोसोनि गोहोजों आरो सोलेरनि गोलोमदजों जिउ गोदान मोनखाडे। गैया आंहा जोबोद गोजौ सिमां गैया आंहा गोदान गोदान हाबिला -- लाउमखौ फेजेनानै गादबना दोननो, थेर थेर सिमां थेर थेर मिजिं मावनानै बिखानि थैखौ दै खालामो

पबित्र ब्रत दैमारी ग'लाघाट

खनसाइ बिदां

गोमाजानाय हंमानि दुखुथिया गोरबोखौ मोनदांगोन दा मावथांखि नोजोर बिलाइनि फोजाखां खनसाइ बिदां! ?

सबिराम बर' रावां, बागसा

हाबायाव बेन्द दामनायनि देंखो

थेर-लित्लां - होनब्ला थेर लिरलां- लामा हगार, होनब्ला लामा हगार- कातं कुतं - गुवा खाथं नौनि नोंसाजोया लक्रा गन्थं। सबाय ओक्रिया जाखादो- ' दालि खारिया जाखादो- गामोन अखा नायब्लानो लांसिगोन - नोंखौ- बंयाइ गामिआव। हाबा जानोसै साव- दागाव नोमा नोमफा-रायजो जानोसो हरगोन नोंखौ सनालै।

नरेश्वर गयारि, मलानडुबि

जोनोमनि उनाव

मोनदोंमोन आं सासे जोहोलाव हास्थायो बिखौ आं नाथाय बिहासो आंखौ मोजां मोनगोन मोना आं बिखौ जेबो मिथिया, बुनो सानो बुनो हाया नोंखौ लोगो हमनानै राइज्जालयइबाय थानो गोसो जायो नोंखौल' गोसोनि सान्नाय' हास्थायो नोंखौल' साया माया नुयो नोंखौल' मानोबा सानबाय थायो मावनायाव दानायाव गोजोन गैला जानायाव लौनायाव सुग गैला सोर बिमाया जोनोम होखो नों अनजालुखौ हाय हाय गसाइ हाय हाय गसाइ फागिलि खालामबाय नौनि महरा नोंखौनो मोनथोसै जोनोमनि उनाव जागोन आं नोंजोंनो जोनोमनि उनाव जुलि।

सिम सपेला बसुमतारि गामि- निउ तित्तारि।

गाबोननि सिमां

थिखानानै दोनदों गाबोननि सिमांखौ आगोर मोनि गोसोनि इसिं ख'नायाव दोनखुमानानै दोनदों, फारि फारि बोहेबोदों बबेबा निजोम दैसानि सा साजों। बोदोरबावलि हाबिला आंनि गाबोननि सिमांखौ सुजुनायाव मुखुब एरखादों फारेव मेगनि आगर गोमो गोथां समायना आर'नाइ, लिखिदोनि गेजेरजों फोरमायदों गाबोननि सिमानि जारिमिनखौ हांखुर खोनासंनो सोरबा जोहोलावआ। दानसोरां हराव सग्रेमायाबो होदों आंखौ हेफाजाव जौथि जोंब्लाव महर लाना गाबोननि सिमांखौ आबुं महर होनो, थारै दानसोरां हराव सोरबा सुबुंआबो जानो हागौ आंजों लोगोसे सुजुदों गाबोननि सिमांखौ। हांखुर आं गाबोनखो नेनानै हांखुर आं सानजानि सोरांखौ नेनानै मिथिगौ ना आंदि जोबोद रंजादों गोबौनि इसिं ख'नायाव, आद्रा थानाय सानरेबनि आबुं महरा जाफुगोन गाबोननि सिमांआव। सानखुमादों सिरि सिरि मिनिस्तुदों सिरि सिरि गोबौं इसिं ख'नाया बुफबबाय गाबोननि मिजिंफोरजों, जिउनि दिंआ हाथासि अखोरां सानि थरथिं थरथिं सिरिफैयो आंखाल जानाय जिउनि मिजिंफोरखौ सुफुनो गाबोननि सिमांफोरखौ जाफुहोना।

मनिका गयारि गोदान देलहाउसि, गहपुर

लाथिख'

गुदुं सि जोम जोमग्रा गैया आंहा गोजां बोथोर गैया! पेन ए,सि गैया आंहा गोलोम बोथोर गैया! सिमां मिजिं गैया आंहा बैसो सम सानांगौ गैया! रं रुपा धोन गैया आंहा हर सान सानांगौ गैया! लुबेनाय हास्थायनाय गैया आंहा दुखु दाहा गैया!

राजिब दैमारी बाकसा

जिउ

मोनसे गोथां जारिमिनारि जिउ दं दावबायारिफोर सहैनो गावबा गाव नि थांखि भावथिना नि दोलोनि एबा..... मोगथां आरो सिमां सुजुनो बयहाबो मिजिं जायखलं बादि मावफुंसारनो सहैनो हांखुर नांगौ आरो नांगौ बयनोबो..... थानानै थानो मोन्थाय जिउ..... जिउ..... जिउ सिगां लांनो आरो सिगांनो बयबो आं आरो आं, आं, आं..... जिउ नों बेसे गोजानाव समायना...

इउनसा बर' अदालगुरि

रैसुमै गारांजों

बेसेबां गोजान नुनो मोनै-खोनानै मोनै बै लैथोमा सेरनि अरन बारियाव। सोर दुखु गोनां गावनि जाथायफोरखौ फोरमाय बायदों। अरन बारियाव सोर सिख्ला रैसुमै गारांजों आंनि गोसोखौ खामगिल होजोबखो ओरै थांब्ला अरन बारि बैथिं थांब्ला लैथो माजों बुफबनाय। बै अरन गेजेराव सोर आइजोनि दुखु जालाफोरखौ गावनि मेथायजों फोरमायदों।

मुक्ति थिनिजा ब्रह्म गामि- डालबाबारि जिला- कक्राझार (बड लेण्ड)।

गरेस्वर दख 'रा एबसुनि 37थि बोसोरसालिया जथुम्मानि रायदाव आफादनि मावखुलि बेखेवदों

गरेस्वर, 5 नभेम्बर: तामुलपुर जिल्लानि सिखव थानाय गरेस्वर दख 'रा एबसुनि 37थि बोसोरसालिया जथुम्मानि डिसेम्बर दाननि सेथि सप्ताहयाव साननैनि मेहेर गोनां हाबाफारिजों 112 बरकचुला गुदि फरायसालियाव खुनो थाखाय थि खालामदों। दिने मोनाबिलिनि 5:00 रिंगायाव गरेस्वर टाडनाव बान्जाय आफादनि मावखुलिखो बेखेवना होयो तामुलपुर जिल्ला बर' थुनलाइ आफादनि लेखइ आफादगिरि बापुराम बर'आ। बिथां बर'आ मावखुलि बेखेवनायनि गेजेरजों बुखेदि - दुलाराय बर' फरायसा आफादआ बर' हारिखो गेरेमसा हारि हिसाबे बुहुमाव सिनायथि होनो थाखाय जोनोमनिफ्रायनो खामानि मावबोगासिनो दं होना आरो इउन समावबो बर' हारिनि थाखाय खामानि मावलांबाय थानो थाखाय फरायसा आफादखो खालायो।



गरेस्वर दख 'रा एबसुनि आफादगिरि मानब चन्द्र बर'आबो खौरांगिरि फोरनि सिगाडव बुंथियोदि - गरेस्वर दख 'रा एबसुआ थानाय गोलाव सम बड'लेण्ड सोमावसारनायाव मैखोमै बाहागो लानायजों लोगोसे बर' हारिखो जौगानायनि थाखाय सोलंथाइ, समाजखाथि, रं-खाथि बायदि बिथिखो लाना खामानि मावगासिनो दं। बे बोसोरसालिया

जथुम्मायाव हारि जौगानायनि माखासे बिथिखो लाना गोथोवै सावरायनाय जागोन होना फोरमायो लोगोसे जथुमाखो जाफूसार होनो थाखाय गासैबो थाखोनि रायजो-राजाफोरखो राव दोहोराम नायाब्लासिनो मदद होनो थाखाय गुरैयै खालायदों। बे हाबाफारियाव बाहागो लायो बानजाय आफादनि आफादगिरि दिपेन नाजार्, मावफुं आफादगिरि

प्रानेसर बसुमतारि, दख 'रा एबसुनि बर'आ आफादगिरि उत्तपल देमारि, हांगामा नाजार्, गरेस्वर ब्लक बि पि एफनि आफादगिरि धनन्जय बसुमतारि, गरेस्वर गुदि बर' थुनलाइ आफादनि नेहाथारि मनरन्जन बर', दख 'रा एबसुनि गहाइ नेहाथारि जितेन बर', गरेस्वर फालांगि आफादनि नेहाथारि सुरेन नाजार् बिथामोनजों लोगोसे गोबां दैदेनगिरिफोरबो बाहागो लायो।

बाक्सानि चर्नायाव नाबार्डनि बान्जायनायाव हाजों मुवा-बेसाद सोरजिनाय आरिमु आरो दिहुनथाय हान्जाखौ हाबाफारि बायदियै बेखेवदों

भबानिपुर, 5 नभेम्बर: नाबार्डनि बान्जायनायाव आरो 'जनशक्ति बिकास मन्व' मुनि गावसुंथा आफादनि गेजेरजों दिने बाक्सा जिल्लानि चर्नायाव मोनसे हाजों मुवा-बेसाद सोरजिनाय आरिमु दिन्थिफुंनाय आरो दिहुनथाय हान्जाखौ हाबाफारि बायदियै बेखेवना होयो। चर्ना (हाजों मुवा-बेसाद सोरजिनाय गामि) आव हाजों मुवा-बेसाद सोरजिनाय आरिमु दिन्थिफुंनाय आरो दिहुनथाय हान्जाखौ हाबाफारि बायदियै बेखेवना होयो नाबार्डनि बाक्सा आरो तामुलपुर जिल्ला जौगाखां बिबानगिरि उत्तपल बेजवरुवाआ। बेखेवनाय बिबुंथियाव नाबार्डनि बिबानगिरि उत्तपल बेजवरुवाआ बुंदोदि, चर्ना गामियाव गोदो-गोदाय मुगानिफ्राय हाजों मुवा-बेसाद सोरजिनाय आरिमुनि गोहोमथि दंवाबो आरिमुगिरिफोर बेहबानि गेजेरजों थि मुलाम्फा मोनाखैमोन। बेनि थाखायनो नाबार्डनि गेजेरजों गोदान मुगानि रहजों हाजों मुवा-



बेसाद सोरजिनाय आरिमुखो मोनसे गोदान महर होनायनि थांखिजों 2 बोसोर सिगां सा 90 आइजोफोरनो 'जिउखां आरो उद्यग जौगाखां हाबाफारि' (एल इ डि पि) नि गेजेरजों फोरंथाय होनाय जादों। बेनि गेजेरजों फुंखा मिरुनि बिथयाव जयै दिहुनथायखो बांहोनो थाखाय हाजों मुवा-बेसाद सोरजिनाय आरिमु फुंखा मिरु गायसन्नाय जादों। जायनि गेजेरजों सोलंथाय मोन्याय आइजो आरिमुगिरिफोर 3 दानाव 3 लाख रं आरिजिनो हादों। उत्तपल बेजवरुवाआ गाव सोनारो हानायनि बिथिखव नाबार्डनि गुबुन गुबुन बिथिखनि सायाव मख 'दों गावनि बेखेवनाय बिबुंथियाव। मख 'नो

गोनांदि, हाजों मुवा-बेसाद सोरजिनाय आरिमु दिन्थिफुंनाय आरो दिहुनथाय हान्जाखौ बेखेवनाय हाबाफारिखो लोब्बा लामनाने 'जिउखां आरो उद्यग जौगाखां हाबाफारि' नि सिखव चर्नायाव बे आरिमुखो फिन फोथांफिनायनि फोरंथाय बादाबो खुंनय जादों। 'जनशक्ति बिकास मन्व' नि लेखइ आफादगिरि प्रान्जित बिशबसा आरो नेहाथारि हाइदर आलिआ सामलायनाय फोरंथाय बादायाव नाबार्डनि बाक्सा आरो तामुलपुर जिल्ला जौगाखां बिबानगिरि उत्तपल बेजवरुवा, बाक्सा जिल्लानि डि आइ सि सिनि आफादगिरि रजिव तालुकदार, आसाम रञ्ज्यो गामि

जिउखां अभियाननि जालाह जौगाखां खोन्दोनि दख 'रा बिथारिखि सामलायगिरि बिन्वलि समुवा आरो दख 'रा क-अडिनेटर फैलाव देमारिआ थांखिजानाय आयदनि सायाव फुंखा सुबुं महेर फोरंथाय होयो। चर्ना ओन्सोलनि माखासे आरिमुगिरिफोर बाहागो लानाय फोरंथाय बादायाव माखासे जर 'खा सुबुंफोर आलासि महेर बाहागो लाफेदों। फारसेथि, दिने नाबार्ड आरो 'जनशक्ति बिकास मन्व' नि हेफाजाबाव बाक्सानि सिलबारियाव मोनसे आखाइ इसान आरो जि-जोम आरिमु उद्यगखोबो हाबाफारि बायदि उत्तपल बेजवरुवाआ बेखेवना होदों।

(□ 1 बिलाइनिफ्राय)

कक्राझारआव उं भुपेन हाजरिकानि आबुं ...

राभानि मुसुखा लुनाय आरो बाक्सयाव 10 कौटिनिबो बांसिन रं बाहायनाने उं भुपेन हाजरिका भवन गायसन्नाय दं। बेनि अनगाथैबो उं भुपेन हाजरिकानि मोन 200 निबो बांसिन मेथाइफोरखो बर' रावआव राव दानस्लायनायनि थाखाय बर'आ मदद होयो, जाय मोनसे मावथांखिखो कक्राझारवाव मावनाय जागोन। आसामनि सि-जोम बिफाननि मन्थि आरो कक्राझारनि दिथागिरि मन्थि उखां गोर ब्रह्मआबो बिबुंथि होयो आरो उं भुपेन हाजरिकानि जोबनो गैयै उनमोनथाइखो बाख्नायो। बिथाख बड'लेण्डनि गुबुन-गुबुन हारि-माहारिफोरनि गेजेराव गोरोबलायनाय आरो हेफाजाबखो बांहोनयजों लोगोसे ओन्सोलनि हारिमुवारि सिनायथिखो रैखा खालामनो बिटिसिनि रायदाव होनायनि सायाव फोरमायो। असम साहित्य सभानि बरारा' आफादगिरि आरो बरारा' डिजिपि कुलधर शक्तिआ आ बे नोजोरखो जाफूसार खालामनो नाजानायखो बाख्नायो। बिथाख मुसुखाखो सुबुं माहारिनि मोनसे गोहोगोर नरसन आरो उं हजरिकानि मुलुगानां गोहोमखो गोसोखांहोनय महेर बरनायो, जाय भुमखौराडारि आरो हारिमुवारि सिमाफोरखो बारलाडो। बे हाबाफारियाव एमपि जयन्त बसुमतारि, एमएलए लरेन्स इस्लारी, कक्राझारनि जिल्ला बेंगिरि मचान्दा पटिन, बर' थुनलाइ आफादनि आफादगिरि उं सुरथ नाजार्, मुदांखा आरिमुगिरि कमल चन्द्र कतकिजों लोगोसे गोबां गेदेमा सुबुंफोर बाहागो लायो।

आमेरिकायाव 4 7थि हादतगिरि बिसायख थिनि...

आमेरिकानि कमला हेरिसआ हादतगिरि मासिनि थाखाय बिसायख थियाव जुजिलायदों। कमला हेरिसआ आधिखालाव जुथाइ रञ्ज्यो आमेरिकानि लेखइ हादतगिरि, जेराव ट्राम्पआ 2017 माइथायनिफ्राय 2021 माइथायसिम हादतगिरिमोन। गासै दर 50 रञ्ज्योफोर आरो राजथाननि वासिंटन डिंसिआव गासै 538 इलेक्ट रेल भट दं। बिसायख थियाव देरहानो थाखाय ट्राम्प एबा कमलाआ गासै 270 मासि देरहानागोन। निउ हेम्पशायरनि डिक्सविले नचआव बिसायख थि जागानायनि 12 मिनिट उनाव फिथाइफोर ओंखारदोंमोन। बेयाव गासै सा 6 भटफोरल 'दमोन। बेनि गेजेराव सा 4 आ रिपब्लिकान पार्टिनि रेवथुमजानाय भटारफोर दं। बेनि गेजेरावबो, रिपब्लिकान पार्टिआ 3 आरो डेम 'क्रेटिक पार्टिआ 3 भट मोननो हायो। सासे रिपब्लिकान भटारआ गिदिफिनदोंमोन। निउयकं टाइम्सनि बायदिब्ला, भट होनायनि समाव मोन 3 गिदिरि स्विंग रञ्ज्योफोर-पेन्सिलभेनिया, विस्कॉन्सिन आरो मिचिगनआव अखा हागासिनो। खोलो भारतनि सुबुंफोर भारतारि फोलेरनि कमला हेरिसनि देरहानायनि थाखाय फुजा खालामनायखो नुनो मोन्याय जादों।

कार्बिआलं जिल्ला दुलाराइ बाथौ गौथुमा ...

जिल्ला दुलाराय बाथौ गौथुमनिफ्राय गुवाहाटीनि बाथौफुरि बाथौ थानसालियाव बोराइ बाथौनि सेराव दोले नोगोर सिजौनि गुदियाव आलारि बाथि फोजौनानै धुप-धुना सावनानै आर'ज गावफेदों। कार्बिआलं जिल्ला दुलाराय बाथौ गौथुमनिफ्राय गासै सा 600 निबो बांसिन बाथौ सिबियारि, दौरि, गोथारि, मायनाव, थान्दे बिथामोनो बाहागो लायो। दिनेनि आर'ज गावनाइ हाबाफारियाव गहायै बाहागो लादों कक्राझार हिन्जावसा फरायसालिमानि गोरयुं उं आदाराम बसुमतारि, मिरु दुलाराय बाथौ गौथुमनि गहाय नेहाथारि गनेस देमारो, लेखइ आफादगिरि मनाराम बर', कार्बिआलं जिल्ला दुलाराय बाथौ गौथुमनि आफादगिरि रिबय बसुमतारि बिथामोनजों लोगोसे मायनाव आफद, लाइमोन आफद बिदिनो बायदि बायदि बिबानाव थानाय दैदेनगिरि आरो बाथौ सिबिसुला बिथामोनबो बाहागो लायो।

गसाइगावायवो सुधाकान्ठ उं भुपेन ...

लाइब्रेरिनि बान्जायनायाव खुंनय हाबाफारियाव उं भुपेन हाज 'रिकानि सावगाारियाव बिबान मान बाडनाय आरो आलारि बाथि फोजोडो गसाइगाव सदर थानानि बिबान मोन्याय बिबानगिरि निदुल गुरै आरो दालाइ साहित्य सभानि आफादगिरि कनिन्द्र दासमोनहा। बेनि उनावनो हाबाफारियाव नुजाथि फेनाय बयबो मोनफायै आलारि बाथि फोजौनानै सुधाकान्ठखो गोसोखां मान बाडयो। आसुनि गसाइगाव आन्सलिकनि नेहाथारि आफजालु र्हमानआ सामलायनाय हाबाफारिखो नोगोर आफादनि बिबानगिरि प्रफुल्ल इस्लारि, समाज सिबियारि जेतमल मालु, जर'खा नोगोरारि महेश्वर ब्रह्म, कमलनाथ क्लाब काम लाइब्रेरिनि पुतुल दास, लोको नेहाथारि तरुन डेका, बोसोनगिरि सान्तराम राय, आजिर मोन्याय गहाइ फोरंगिरि बैदनाथ साह, भनरेश्वर डेका मेमरियेल गेजेर इंराजी फरायसालिनि गहाइ फोरंगिरि शंकर चन्द्र दास, बिरांग 'ना एनजिअनि नेहाथारि कबिता चौधुरीजों लोगोसे माखासे जर 'खा आलासिफोर बाहागो लाफेदों।

खाग्राबारि दख 'रा एबसुनि बान्जायनायाव ...

राइजो-राजाफोर बाहागो लादोंमोन। गिबि साइकेल हान्जा सुरनाय हाबाफारिखो बेखेवना होयो दुलाराइ बर' फरायसा आफादनि लोगो गहाइ नेहाथारि दिनेश ब्रह्म बिथोआ। लोगोसे बाहागो लाफायो एबसुनि लोगो बुंथिगिरि बिबारि बर' आरो सुबुंफोनजोब नेहाथारि सोमदोन ब्रह्मखो लाफानाने उदालगुरि जिल्लानि लोगो आफादगिरि धरनि बर'जों लोगोसे गोबां बिबानगिरि बिथो मोनहा। बे साइकेल सुरनाय हाबाफारिनि गेजेरजों सोलंथाइ, समाजखाथि, समाज बेरेखा खामानि मावनायनि सायाव सांग्राथि मेलबो लाफानाय जायो। बे सांग्राथि मेलबो पटला गुमियाव बुंथिगिरि महेर उदालगुरि जिल्ला एबसुनि गामिआव बिबारि बाबुल बर' आरो बिरफुं बसुमतारि बिथामोनना बाहागो लायो। गपसाचुबा गोजौ फरायसालियाव एबसुनि लोगो बुंथिगिरि बिबारि बर' बिथोआ बुंथिगिरि महेर बाहागो लानाने हाबाफारिखो जाफूसार होयो। लोगोसेनो जिल्लानि बुंथिगिरि रहित बसुमतारि आरो रं दोनथुमगिरि सानसोरं ब्रह्म बिथामोनजों गोबां दैदेनगिरिफोर बाहागो लायो। पानेसेलि बाजार खलायाव जानाय समाज सांग्राथि मेलआव बुंथिगिरि महेर उदालगुरि जिल्ला एबसुनि गहाइ नेहाथारि बाबुल बर' आरो बिरफुं बसुमतारि बिथामोननि बाहागो लानाय जायो। लोगोसे घरासाल गुदि फरायसालियावबो बिबारि बर' बिथोआ बुंथिगिरि महेर बाहागो लानाने हाबाफारिखो जाफूसार होयो। लोगोसेनो जिल्लानि बुंथिगिरि रहित बसुमतारि आरो रं दोनथुमगिरि सानसोरं ब्रह्म बिथामोनजों गोबां दैदेनगिरिफोर बाहागो लायो। बे साइकेल हान्जा सुरनाय हाबाफारिखो खाग्राबारि जनता गेजेर आरो गोजौ फरायसालिनि गेल्लेरा फोथारनिफ्राय जागानयनाने समाथारिबारि, जोनोमफुरि, रानजिफार, बाथाबारि, थाइगिरिबारि, पटला, गपसाचुबा, पानेसेलि, बुद्रा, चरासाल, खासियासुबा, दहलासुबा, खाग्राबारि, नावबान्दाहाबि, आतारिखाद, सुआला आरो 2 नं सिंघिबारियाव फोजोबनाय जायो। फोजोबनाय हाबाफारियाव एबसुनि लोगो बुंथिगिरि बिबारि बर'जों लोगोसे उदालगुरि जिल्ला एबसुनि गहाइ नेहाथारि बाबुल बर' खो लाफानाने गोबां दैदेनगिरि नुजानाय हाबाफारिया जोबनाने थाडे।

तामुलपुर जिल्ला खुंथाया होखारस्रानाय ...

होखारस्रानाय जादों। तामुलपुर रेभिनउ सार्केलनि सार्केल बिबानगिरि एलिमा कान्दुलनानि दैदेनायाव मोनसे गेदेर पुलिस हान्जाया खुंथायखो होखारस्रानाय हाबाफारिखो हेफाजाब होदों। मख 'नो गोनांदि, गिबि खोलोबयाव मोन 8 नख 'रनि फालांगियारि फसंथान आरो थाखुलिखो होखारस्रानाय जादोंबलाबो इयुन समाव मोन 27 नख 'रनि थाखुलि आरो फालांगि फसंथानफोरखो होखारस्रानो थाखाय खुंथाया थियारि जादों होना सार्केल बिबानगिरिआ खौरं बिजोखव फोरमायना होदों।

(□ 1 बिलाइनिफ्राय)

बकाजानआव गोबां बिबांनि सन्देह ' हेर 'इनजों लोगोसे ...

हमनो हनाय सानै ड्रगस फालांगिरिखो रिशदुल इस्लाम आरो नुर आलम होनानै सिनायथिनाय जादों। पुलिसा फोरमायोदि मोनसे संगालि सुलुनि सायाव बिथा खालामनानै बकाजाननि खाथियाव मोनसे सिप्रामोनाय हाबाफारि लायो। सिप्रामोनाय समाव गंसे ट्राकआव सानै सन्देह गोनां सुबुंखो लाखियो। बिसोरखो कार्बि आंलनि बकाजाननि गोजाम लाहरिजान ओन्सोलनि खाथियाव होबथानायाव पुलिसा बिसोरनि आखुखो सन्देह' गोनां मोनो। बेनिखायनो, गारिखो नायबिजरनाय समाव बिसोरनिफ्राय 1.1 किल 'ग्राम सन्देह' गोनां हेर 'इन बोखानो मोनो। हमनो हनाय सासै ड्रगस फालांगिरिफोर सन्देह' गोनां ड्रगसफो ट्राकजों मणिपुरनिफ्राय गवालपाराफारसे लांगसिनो दंमोन।

फैगौ 25 नभेम्बरसिम लक सभानि ...

साननि हाबाफारि खुंनय जागोन। संसदआरि परिक्रमा मन्थि किरन रिजजुआ दुइट खालामनाने बुडोदि, संसदनि गोजां बोथोरनि जथुम्माया फैगौ 25 नभेम्बरनिफ्राय 20 डिसेम्बरसिम सोलिगोन। भारत सरकारनि बोसोन बायदियै 2024 माइथायनि 25 नभेम्बरनिफ्राय 20 डिसेम्बरसिम 2024 बोसोन गोजां बोथोरनि जथुम्मानि थाखाय संसदनि मोननैबो सदरखो खालायाहनाय थांखिखो हादतगिरिआ गनायथि होदों। 26 नभेम्बरखालि संबिजरि आजावनायनि 75 बोसोरारि फोर्बायाव (संबिजरि सान) संबिजरि मेलनि मिरु सावराय न 'ब्लाडव बे हाबाफारिखो खुंनय जागोन होनानै मन्थि किरन रिजजुआ फोरमायो।

भारत रत्न उं भुपेन हाज 'रिकानि थैनाय सानजों ...

फरायसालियावबो गोसो बोजाथाव दंखोगिरिनि थैनाय सानखो फालिनाय जादों। बे सानखो लोब्बा लानानै कलाइगाव जौगाखां दख 'रानि बान्जायनायाव आरो श्रीश्री गबिन्द मिश्र साहित्य सभानि हेफाजाबाव खुंनय हाबाफारियावबो रञ्ज्यो सरकारनि बिथोनयाव खुंनय 'राव गोगाथाव सप्ताह' हाबाफारिखोबो फालिनाय जादों। मख 'नो गोनांदि, दंखोगिरिनि गोसोखांथियाव गोसोखां मान बाडनाय, बिबार मान बाडनाय आरो लास्त्रियै दंखो रोजाबनाय, हारिमुवारि हाबाफारिखो दिन्थिनायजों लोगोसे बिबुंथि होनाय हाबाफारिखो खुंनय जादों। बे हाबाफारियाव असमीया रवनि सायाव बिबुंथि लाखिदों टला फरायसालिमानि आजिरा मोन्याय असमीया बिफाननि बिबुंथिगिरि घतेश्वर बरुवाआ। हाबाफारियाव भलाबारि गोजौसिन गेजेरारि फरायसालिनि आजिरा मोन्याय गहाइ फोरंगिरि केशव चहरिया, केन्दुकलाइ साहित्य सभानि आफादगिरि प्रताप चन्द्र भलाचार्य, कलाइगाव दख 'रा जौगाखां बिबानगिरि प्रसेन्जित दत्त, भलाबारि गोजौसिन गेजेरारि फरायसालिनि आजिरा मोन्याय गोरयुं बिरन शर्मांमोनजों लोगोसे माखासे जर 'खा सुबुंफोर बिबुंथि होनाय हाबाफारिखो हारिमुवारि दाफुंगिरि तरुन आजाद डेकाआ सामलायदों।

एबसुआ फैगौ 2030 नि गेजेराव हारिनिफ्राय सा ...

फोथाराव बेखेवजेन्याय जायो। साइकेल हान्जा सुरनाय हाबाफारिखो हांखायहरनाय बायदियै बेखेवना होयो दुलाराइ बर' फरायसा आफादनि बुंथिगिरि अविठ नाजार्आ। बुंथिगिरि महेर बाहागो लानाने बिथाख सान्दु-अखा नेउसिनानै एबसुनि साइकेल रेलि, बाइक रेलि खालामनायनि सायाव गुवारि बिबुंथि लाखियो। बिबुंथि गेजेरजों बिथाख एबसुआ फैगौ 2030 माइथायनि गेजेराव बर' हारिनिफ्राय सा 2000 डक्कर आरो सा 5000 इन्जिनियारि सोर्जिबानवायनि मिसनजों खामानि मावगासिनो आरो बे मिसनाव बयखोबो बाहागो लानो 'खावलायनाने बे मिसनखो आबुडैजाफूसार होनागोब्ला समाजारि थासारिया जोबोद मोजां जाथारनागोन होनाने बयखोबो खावलायहरो। बे हाबाफारियाव कक्राझार जिल्ला एबसुनि आफादगिरि कृपेस देमारो, गहाइ नेहाथारि खाम्फा बसुमतारिजों लोगोसे जिल्ला आफादनि दैदेनगिरि, एबसुनि 57 थि बोसोरसालिया जथुमानि गहाइ लिंथुमगिरि शंकरलाल ब्रह्म, दतमा गुदि बर' थुनलाइ आफादनि आफादगिरि, कक्राझार जिल्ला आइजो अन्साइ आफादनि आफादगिरि, ओन्सोलनि मेलेमजिबि, फोरंगिरि आरो राइजो-राजाफोरनि बाहागो लानायजों बेखेवनाय हाबाफारिया मोजाइमोजां जोबलाडे।

(□ 1 बिलाइनिफ्राय)

3 1 नं. सिदली बिधान सभा बियाबनि उफ्रा...

बारा' गहाइ मावफुं सोद्रोमा हाग्रामा महिलारिनि हेंथायै बिबुंथि लाखिदों। बिपिएफ दोलोआ आधिखाल समाव जैबायदि थासारिवाव दड-उत्रा बिसायख थिनि उनाव बे बिपिएफ आरोबाव दोलो महेर थानाय नड होना 31 नं. सिदली बिधान सभा बियाबनि उफ्रा बिसायख थिनि वयनिखुइबो बांसिन सावरयजानाय सुबुं आरो बारा' मन्थि चन्दन ब्रह्मआ सोंखारिदों। बारा' मन्थि ब्रह्मआ बुंबावदोंदि, हाग्रामा महिलारीआ 2020 माइथायव खुंथायनि गोहो गौथैनि उनाव बिटिसिनि गहाइ मावफुं सोद्रोमा जानायनि 'बात्रा बुंबोदों। प्रमद बर'खो गोहोनिक्रय बिथोआमोनै दड-उत्रा उनाव सोखो लानानै गेजेरवनो फिन बिटिसिनि गहाइ मावफुं सोद्रोमा जाजिगोन होना माखासे खेव बुंबावय थदों। बेफोर बात्राखो खोनासडे-खोनासडे बिथानि दोलोनि सुबुंफोरनो गोहोम गोलेदों, नाथाय दिनेसिमबो हाग्रामा महिलारीआ बे सिमांखो सुफुंनो हायाखे, सिमां जानानैनो थालोबाव। लोगोसे बिथाख बुंदोंदि, महिलारीआ आधिखालाव बात्रा बुंगासिनो दडदि, बे सिदली बिधान सभा बियाबनि उफ्रा बिसायख थियाव बिपिएफ दोलोनि बिजाथिया देरहागोन आरो 2025 माइथायव खुंनयनो गोनां बिटिसिनि गौथुमारि बिसायख थियाव देरहानाने बिटिसियाव सरकार दागोन। दानिया आं बुंदोंदि, बिपिएफ दोलोआ आधिखाल समाव जाय थासारिवाव दड बिटिसिनि गौथुमारि बिसायख थिखो नागार, सिदली बियाबनि उफ्रा बिसायख थिनि उनावनो बिपिएफआ आरोबाव दोलो महेर थानाय नड। मानोना आधिखालाव हाग्रामा महिलारिनि सायाव आरो बिपिएफ दोलोनि दैदेनगिरि-मावफारियाफोरनि थामोन्थाय गैयै जाबाय। सासेनि उनाव बिपिएफनि दैदेनगिरिआ इडिपिएल दोलोयाव लास्त्रियै हाबैफासिनो दड-उत्रा उनाव सोखो लानानै रजखान्थि एबा दोलो सामलायगोन हाग्रामा महिलारीआ। बेबायदि दिने मोनसे समनि लोगो बरग' मन्थि चन्दन ब्रह्मआ बिपिएफ दोलोनि आफदगिरि हाग्रामा महिलारिनिमिसम गार्लोबथाय बिबुंथि लाखिदों। प्रमद बर'नि दैदेनाय इडिपिएल आरो बिजोपि दोलोनि सरकारआ आधिखाल समाव जैबायदि बिटिआर ओन्सोलयाव गोजोन थासारि दाफुंनाने गोखे जौगाखानाय खामानि मावगासिनो दड बे बिथिखव सिदली बियाबनि जौनि बिजाथि निर्मल कुमार ब्रह्मनि सिगाडव रावबो हेंथा बादायगिरि गैया। जौनि दोलोनि बिजाथि निर्मल कुमार ब्रह्मआ गोबां भटनि फारागथियाव देरहागोन। बेयो जौसे जौखोन्दो रोखा होनानै बिथाख दाबि खालामो।

गुबुन फारसे, मोनसे समावनो सिदली बियाबनि सिखव थानाय काशिकत्रयाव बिपिएफ दोलोनि बिसायख थि सामलाय आफादनि मावखुलियाव मोनसे दोलोयारि बिसायख थि मेलयाव बाहागो लानानै हाग्रामा महिलारीआ बिटिसिनि गहाइ मावफुं सोद्रोमा प्रमद बर'खो गोखोडै सोंखारिदों। प्रमद बर'आ बिसायख थि फोसावदिनाय मेल खुंनाने आनि हेंथायै नंखाय फोसावदिदोंदि, थानाय 17 बोसोरनि आनि खुंथाय समाव बिटिसियाव जेबो जौगाखानाय खामानि-दामानि जायाखे। प्रमद बर'आ बुंनानो जाहोन नामा, बिटिसिनि रइजो-राजाफोर बिबिथोनो मोनो जौनि खुंथाय समाव जोडे मा मा खामानि मावदों। गुबैयै 4 बोसोरव प्रमद बर'आसो जेबो खामानि मावयाखे होना बिथिख मख 'दों। फारसेथि, बिथाख मोनसे समनि लोगो बारा' मन्थि चन्द्र ब्रह्मखो बिपिएफ दोलोयाव लाबोफिनायनि सोमोन्दे बुंदोंदि, चन्दनखो लाबोफिन्नो सुबुं दैथायहरदोंमोन, नाथाय फेयाब्ला आं मा खालामनो। गुबुन फारसे सिदली बियाबनि उफ्रा बिसायख थियाव एनडिड जुथाय दोलोनि दैदेनगिरि-मन्थिफोर गावसोननि बिजाथि निर्मल कुमार ब्रह्मनि जानाने बिसायख थि फोसावदिदोंदि बेनि अनगायै हाग्रामा महिलारीआ गावनि दोलोनि बिजाथि शुद्ध बसुमतारिनि जानाने मानो बिसायख थि फोसावदिदोंदि होना सोंथिनि फिनायाव महिलारीआ बुंदोंदि, आं शुद्ध बसुमतारिनि जानाने गोवलाडै बिसायख थि फोसावदिदोंदिबेबो खोरं बिजोनिक्रय जानगराव थानाने फिसा-फिसा मेल-मिथिं खुंनाने बिसायख थि फोसावदिगसिनो दड। नाथाय गाबोनिक्रय जौनि बिसायख थि फोसावदिनाय गोखो जागोन। सिदली बियाबनि उफ्रा बिसायख थिखो सेमि फाइनल आरो 2025 माइथायव बिटिसिनि गौथुम बिसायख थिखो फाइनल गेलेनाय होना मख 'नाने हाग्रामा महिलारीआ बुंदोंदि, बिपिएफ दोलोआ सिदली उफ्रा बिसायख थिनि सेमि फाइनलयाव जौसे जौखोन्दो देरहागोन आरो 2025 नि बिटिसिनि गौथुमारि बिसायख थिनि फाइनल गेलेनाय देरहानाने बिपिएफ दोलोआ बिटिसियाव फिन सरकार दागोन होना हुमिख होयो। सिदली बियाबनाव फोसावदिदों गिबि मन्थि उ हिमन्त बिश्व शर्मांआ फेगासिनो दड आरो बिथानि फेनायनि उनाव बिपिएफनि हिसाववाव मावफोर बेले-बेजे जानो हागौ नामा होना खोरंगिरिनि मोनसे सोंथिनि फिनायाव हाग्रामा महिलारीआ एनडिड जुथाय दोलोनि जानाने फोसावदिदों गिबि मन्थि उ हिमन्त बिश्व शर्मांनि फेनायन आब्ला। नाथाय फिनाया सरसन्खा बात्रा। नाथाय फिनाया फेयोबलाबो बिपिएफ दोलोखो जेबो ख 'हा खालामनो हनाय नड गुबैयै बिपिएफ दोलोआ देरहागोन बेयो रोखा होना मख 'दों।

खेल ' इण्डिया उमेन्स उथु लीगानिसिम बिटिसि सरकारनिफ्राय 1 लाख रांखान्थि हेफाजाब ...

नाजरीनि नाजानयाव बिटिसि सरकारनि मावफुं सोद्रोमा दावबायसा बर'आ सिगाडव खोथा होखानाय बायदि 1 लाख रांखान्थि हेफाजाबखो आसामनि खेल ' इण्डिया उमेन्स उथु लीगनि बियाबनिगिरिफोरनो माहारियारि थाखोनि जाज आरो कच उदास्त्रि नाजरीआ गथायनानै होयो। खोथा होनाय बायदि रांखान्थि हेफाजाब हरनायनि थाखाय माहारियारि थाखोनि जाज आरो कच उदास्त्रि नाजरीआ बिटिसिनि मावफुं सोद्रोमा दावबायसा बर'खो आर 'नायजों मान बाडदों। लोगोसे आसामनि खेल ' इण्डिया उमेन्स उथु लीग एस 'सियेसननि सोद्रोमाफोर बिटिसि सरकार, मावफुं सोद्रोमा दावबायसा बर' आरो हेफाजाब होगिरि नेसनल उथु जाज उदास्त्रि नाजरीनिमिसम साबायख 'र जासिहरदों।

कलाइगाव गोजौसिन गेजेरारि फरायसालिनि...

आरो कलाइगाव गोजौसिन गेजेरारि फरायसालिजों लोगोसे भलाबारि गोजौसिन गेजेरारि फरायसालिनि ' लुनाय हाबाफारिया जाफूसार मावफुंजानायाव गिबि मन्थि उ हिमन्त बिश्व शर्मानिसिम कलाइगाव ओन्सोलनि राइजो-राजाफोर साबायख 'र जासिहरो। मख 'नो गोनांदि कलाइगाव मडेल फरायसालिमानि 35 कौटि रं बाहायनाने गोदाने ' लुनाय खामानिया बावैसो सिगां जागायजेदों। भारत उदास्त्रिनि 75 थि बोसोर बारलानायनि उनावबो कलाइगावआव गंसेबो डिग्री फरायसालिमा गैयैयाव कलाइगाव ओन्सोलनि फरायसालिफोर मंगलदे, टंला, उदालगुरि बायदि फरायसालिमाफोर बिगियान, कमासं आरो आरिमु दालाइयाव फरायहोनो गोनां जादों। दानिया बे जेनाया सुसुं जाबाय होनानै फोरमायो 65 नं कलाइगाव बिदान सभा बियाबनि एमएलए दुगां दास बर'आ। मख 'नो गोनांदि, एमएलए दुगां दास बर'आबियाबनि सोलंथाइ फसंथानफोरनि फसं बांसिन गोनांथि होदों होना फ

गाहाम देहानि राहा

इउरिक् एसिडनि थाखाय सामब्राम गुफुरआ मुलाम्फा गोनां

जोनि जिउआव इउरिक् एसिडनि जेनाया सुबुंफोरनि गेजेराव गोखैये बांगसिनो दं। बेनि जाहोनखौ गोरोन्थि जानाय आरो गात्रि जिउ खुनायानो होन्ना मानिनाय जायो। गुबैये इउरिक् एसिडआ मोनसे गात्रि मुवा, जाय बयनिबो देहायाव थायो। इउरिक् एसिडआ प्युरिन मुनि मोनसे रासायनारि मुवानि गात्रि जानायजो जोनोम जायो। जायखि जाया किडनीया हासुदैनिक्रय इउरिक् एसिडखौ बोखारो। नाथाय जेब्ला किडनीनि खामानिया खम जायो एबा इउरिक् एसिडनि बिबाड बांद्राय जानो हमोब्ला बेयो जरायाव क्रिस्टलनि महराव जमा जानो हमो। बेनि जाहोनाव जरायाव सानाय, बुनाय आरो थाबायनायाव गोब्राब जायो। इउरिक् एसिडखौ सामलायनो थाखाय आदाराव सोलायनायजो लोगोसे माखासे नख 'रारि राहाफोर आजावनो हायो। जुदि इउरिक् एसिडआ बाडेब्ला सानफ्रोमबो फुडव उदै खालियाव लं-सामब्राम गुफुर जायोब्ला गोबां मोजां



मोनगोन। बारायनाय इउरिक् एसिडखौ सामब्राम गुफुर जानाने सामलायनो हायो। सामब्राम गुफुर जानाया हाइ इउरिक् एसिड बेरामिफोरनि थाखाय मुलाम्फा गोनां जानो हागौ। सामब्राम गुफुर जानाया देहायाव इउरिक् एसिडनि थाखोखौ बाडय खालामनो हायो। सामब्राम गुफुराव गोबां एन्टीअक्सिडेन्ट थायो, जाय अक्सिडेन्टिभ स्ट्रेसखौ बाडय खालामो आरो इउरिक् एसिडखौ सामलायनायाव मदत खालामो। सामब्राम गुफुराव देरहोग्रा-होबथाया गुनफोरबो थायो, जाय बुनायखौ बाडय खालामो आरो जरायाव सानायनिक्रय रैखा मोनो। सामब्राम गुफुर जानाया जाग्रा खान्थिखौ साबसिन खालामो। सामब्राम गुफुर जानाया

देहाखो डिटक्स खालामो आरो ब्लाड प्रेसार, कलेस्ट्रलखौ सरासनखा लाखियो। सामब्राम गुफुरनि एलिसिनआ मोनसे कम्पाउन्ड, जाय इउरिक् एसिडखौ बाडय खालामो। सामब्राम गुफुरा आर्थराइटिस बेरामिफोरनि थाखायबो मुलाम्फा गोनां। नोंथाड जायखिजाया महराव गावनि जाग्रा आदाराव सामब्राम गुफुरखौ सोफादेरनो हायो। नाथाय इउरिक् एसिड बेरामिफोरा फुडव खालि उदैयाव गोथां सामब्राम गुफुर जानाने बांसिन मुलाम्फा मोनो। जुदि नोंथाड लुबैयोब्ला साहाजो लोंनो हागोन। नोंथाड सानैसोनि थाखाय सामब्राम गुफुरखौ नेमबादियै जाबाय थानांगोन।

पप रोजाबगिरि जास्टिन बिबर आरो हेलि बिबरनि इन्सटाग्राम सावगारिफोरखौ अन्साइगिरिफोरा मोजां मोन्नाय फोरमायदों

बेनि, व्हाय डु यु मिन, सारि, लाभ यस्मेल्लफ, पिचिस, वेयर आर यु नाड, आरो न ब्रेनार बायदि मेथाइफोरनि थाखाय सिनायथि जानाय कानाडियान पप सिंगर जास्टिन बिबर आरो बिथानि आंगो बिसि हेलि बिबरआ बावेसो सिगां फिसाज्ला जेके बिबरनि बिमा-बिफा जादों। बेनि गेजेराव सानैबो स्टारफोरा गावसिनि इन्सटाग्रामआव माखासे जोबोद मुजिथावना आरो समाइना सावगारिफोर शेरार खालामदों। सानैबोबो गावसिनि फिसाज्ला जेकजों लोगोसे हेलविन सेलिब्रिटी



खालामनाय नुनो मोन्दों। बिथामोननि बे सावगारिफोरखौ सुबुंफोरा जोबोद अन्साइदों। बिथामोनहा 1 नभेम्बराव

गावसिनि इन्सटाग्राम एकाइन्टआव बिसि हेलि आरो फिसाज्लाजों लोगोसे माखासे समाइना सावगारिफोर शेरार खालामदों। सावगारिफोराव साथामखौबो डिजिने फेमास स्व 'किम पसिबल' फावआव नुनो मोन्दों। सावगारिफोराव जास्टिनखौ राननि फावआव नुनो मोन्दों आरो हेलिखौ रेड बिगजों आरो हेलिखौबो किम

पसिबलनि लुकआव नुनो मोन्दों। बिथामोननि फिसाज्ला जेकखौ राननि पेट मल एन्जर रुफस के केनि गेटआपआव नुनो मोन्दों। गिबि सावगारिफोराव जास्टिनखौ पिक गाबनि ड्रेस गानानै फिसाज्लाखौ बामनाय नुनो मोन्दों आरो हेलिखौ रेड बिगजों लोगोसे गसनाय नुनो मोन्दों।

अन्साइगिरिफोरा बिथामोननि सावगारिफोरखौ जोबोद मोजां मोन्दों। लोगोसेनो बिथामोननि सावगारिफोराव गोबां लाइफ आरो कमेन्ट हरायाबो नुनो मोनो हागौ। जास्टिन बिबरआ गावनि फिसाज्लानि नुथाइखौ अन्साइगिरिफोरजों शेरार खालामनाया बेयो नैथि खेब। बेनि सिगां सानैबो अक्टवरनि जोबथायाव हेलिआ आगस्टआव जेक ब्लुजनि जोनोम साननि खौरानि उनाव गावनि इन्सटाग्रामआव बिथानि गिबि सावगारिफोरा शेरार खालामदोंमोन। बे समायना सावगारिफोराव रहदिनि फाउन्डरनि उदै फिसाज्लाया मोनसे बेनि के रियारआव जिरायदों। बे सावगारिफोरजों लोगोसे हेलिया लिरोदि, 'हेप्पि हेलविन बाइजोआव थानांन भट खालाम'।

अभिषेक बच्चनआ ऐश्वर्य रायजों डिभर्स लानाय खौरांखौ मुखता होन्नाय फोरमायदों



ऐश्वर्य रायजों डिभर्स लानायनि खौरां ओं खारनायखौ अभिषेक बच्चनआ सशेल मिडियाआव मोनसे पस्ट सेयर खालामनाय

मिबथिहोयोदि 'मुखता' नि बयनिखुइ गोब्राब फिनजाथाया मा जानो हाथावो? इनस्टाग्राम स्टोरियाव मोनसे पस्ट शेरार खालामनायै जुनियर बिग बिआ आर्टिफिशियल इन्टेलिजेन्स आरो कमन सेन्सनि सायाव बाश्रा सावरयदों। पस्टआव अभिषेकआ आर्टिफिशियल इन्टेलिजेन्सनि गोबां बारायबोनायनि सायाव गावनि राय होनायजों लोगोसे बुडोदि, बेयो माब्लाबाबो मुखताजों समान जानो हाया। फावखुंगुआ बुडोदि, मुखताजों जुजिनयनि बयनिखुइ देरसिन हाथियारआनो जादों, कमन सेन्स। बे भिडिअआव आं अभिषेकआनो बुंदोदि, 'एआइ ट्रेडआव दड, गोसोआव लाखि समन सेन्सआनो जेब्लाबो मुखतानि साबसिन फिनजाथाय आरो बे फिनजाथायानो जेब्लाबो थागोन। कमन सेन्सआ मोनसे डिअडरेन्ट बायदि, जाय सुबुंफोरा बेनि बांसिन गोनांथि जायो, बिसोरो बेखौ माब्लाबो बाहाया।

'सानफ्लावार वेयार दा फास्ट वान्स टुन' सावथुनआ अस्कार 2025 नि थाखाय क्वालिफाइ जाबाय

अस्कार 2025 आव भारतीय सावथुनफोरखौबो डमिनेन्स खालामगोन। दानिफ्रायनो अस्कारआव बाहागो लानो नागिरनाय नमिनेटेड सावथुनफोरनि फारिलाइया नुजाथिदों आरो बे फारिलाइयाव मोनसेबाव सावथुनआ सरजावफादों। बे सावथुनखौ कान्स 2024 आवबो मान बाडनाय जादोंमोन। बे सावथुनानो जादों 'सानफ्लावास वेयार दा फास्ट वान्स टुन'। कन्नर सावथुन सानफ्लावास वेयार दा फास्ट वान्स टुन' खौ 2 अक्टवर 2025 आव क्वालिफाइ खालामदों। बे शर्ट कन्नर सावथुना लाइभ एक्शन शर्ट फिल्म केटरियाव क्वालिफाइ जादों। बे सावथुनखौ फिल्म एन्ड टेलिबिजन इस्टिडेट अफ इन्डियाआ दिहुन्दों। 4 नभेम्बरआव एफटिआइआइआ सशेल मिडियाआव बे गोजोन्थाव खौरांखौ शेरार खालामदों। बिथामोनहा बुडोदि, एफटिआइआइनि स्टुडेन्ट फिल्म 'सानफ्लावार वेयार दा फास्ट वान्स टुन' आ अफिसिएल



लाइभ एक्शन शर्ट फिल्म के टेरियाव 2025 नि अस्कारनि थाखाय क्वालिफाइ जादों। स्टुडेन्ट फिल्म सानफ्लावार वेयार दा फास्ट वान्स टुन आ बे सोलिफु बोसोरनि कान्स फिल्म फेस्टिभलआव ला सिनेफ देरहादोंमोन। बे एवाडखौ बेंगालुरुनि हारिमायारि शर्ट फिल्म महात्सभआव देरहासार जानायनि उनाव मोन्नो हादोंमोन। बे शर्ट सावथुनखौ चिदन्न्द एस नायकआ डायरेक्शन होदोंमोन। सुज ठाकुरआ केमरामेनमोन आरो मनज विआ एडिटिं खालामदोंमोन आरो मिउजिकनि बिबानखौ अभिषेक कदमआ लादोंमोन। सानफ्लावासनि सिगां लापता

लेडिजआबो अस्कारआव अफिसियल एन्ट्रि मोन्दोंमोन। सावथुननि डायरेक्शनखौ किरण रावआ होदोंमोन आरो आमिर खानआ बिथोन होदोंमोन। सावथुनआ जाफुसाराखेब्लाबो नाथाय अटिटिआव बे सावथुनखौ जोबोर अन्सायदोंमोन। लापता लेडिजजों लोगोसे 'सन्तष' सावथुनबो अस्कारआव थादों। बेनि अनगायैबो रणदिप हुडुनि सावथुन 'स्वतंत्र विर सावरकर' आबो अस्कार 2025 आव जायगा मोन्नो हादों। बे सावथुननिक्रय रणदिपआ डायरेक्टर हिसाबै गिबि खेब खामानि मावदोंमोन, लोगोसेनो बेखौ क-प्रडिउसबो खालामदों। बेयाव अंकिता लखन्डेआबो लिड रलआव दड।

जापाननि एनिमे वेब सिरिजआ सुबुंफोरनि गेजेराव मोजां मोन्नायनि दोहौ लाबोदों



जुजुटसु कै सेन एनिमेखौ आथिखालनि जेनेरेसनआव जायखौ जों जेन-जेन होन्नायैबो गावत्रियो, बेखौ सुबुंफोरा जोबोद मोजां मोन्दों। बे एनिमेआ गिनिज वाल्डआवबो गावनि मुं थिसनो हादों। बेयो गासै मुलुगआवनो बांसिन नायजानाय एनिमे जादों। सुबुंफोरा बेनि सल' आरो समाइना एनिमेसनखौ जोबोद अन्सायदों। जुजुटसु कैसेन मुनि जापानि एनिमेआव खस्ट,

फस्थायनाय एबा उनसानफिनाय, लाजिनय, निगेटिन इमसन बायदि माखासे फावफोरखौ मोजाडेनो दिन्थिनाय जादों। बेयाव सासे हाइस्कुलाव सोलॉथाय लानाय होवासानि दुखु-खस्टफोरखौ दिन्थिनाय जादों। मुलुगनाडेनो सुबुंफोरा बे सल'जों गावसोरखौबो रिलेट खालामदों। बेनिखायनो बे सिरिजआ वाल्ड रिकर्डिसिम देरहानो हादों। बे सिरिजखौ वेटप्लक्स आरो प्राइम

मोनैयावबो नुनो मोनगोन। बे सिरिजहा मोनै सिजन दड। बे सिरिजनि गिबि सिजनआ 2020 माइथायनि 3 अक्टवरखालि रिलिज जादोंमोन आरो जाफु सारनोबो हादोंमोन। बबेखानि जुजुटसु कैसेननि नैथि सिजनआ 2023 माइथायाव नुजाथिदोंमोन। सिजन 1 आव खमैबो मोन 24 एपिसड दड आरो सिजन 2 आव मोन 23 एपिसडफोर रिलिज जादोंमोन। बे एनिमेआव गोबां

फावगिरिफोरानो खामानि मावदोंमोन आरो बेनि गेजेराव जुन्या एनकि, उइसि नाकापुरामोन्हाबो फाव खालामदोंमोन। बे सिरिजआव जुजुटसु कैसेनआनो गाहाइ आखु, जायनि रल'खौ युजि इटादरिआ दिन्थिदोंमोन। बे एनिमेनि डायरेक्टरनि मुडानो जादों संगहु पार्क। डिजिटल महराव गोखौ जानायनि जाडनाव जों गोबां मुवाफोर बानायदों। बेयाव एनिमेखौबो बानायनाय जादों। जेब्ला एनिमेआ मोखथां महराव नुजाथियो अब्ला बेनि सिगाडाव गासिबो रस गैये बायदि जायो। आथिखालनि जेनेरेसनफोर एनिमेखौ जोबोद मोजां मोनगासिनो दड। बेनि सिखव समाइना एनिमे क्रिएसन आरो बेनि सल'आनो मोनसे गिदिर जाहोन। एनिमेआव दिन्थिनाय जेनाफोरजों सुबुंफोरा कानेक्ट जानो हादों।

आइएफएफआइ हाबाफारियाव राज कापुर, तपन सिन्हा, एनआइ आरो महम्मद राफिनो मान बाउगोन

जानो गोनां भारतनि हारिमायारि फिल्म महत्सबआव गावनि जौसेथि हाबाफारियाव भारतनि सिनेमानि साबै मुंदांखा सेलिब्रिटीफोरखौ मान बाडनो थाखाय साखा-फारा जादों। महत्सबआव फावखुंगुर आरो सावथुननि बिथोनगिरि राज कापुर, डाइरेटर तपन सिन्हा, तेलुगु सिनेमानि मुंदांखा अक्किनेनि नागेश्वर राव (एनआर) आरो मुंदांखा देखोगिरि महम्मद रफिनो मान बाडनाय जागोन। आइएफएफआइनि 55 थि हाबाफारिनि बाहागो महरै महत्सबनि खुंफुगिरिफोर मोनसे मान बाडनाय हाबाफारिनि थांखि लादों। बे मुंदांखा फावगिरिफोरनि थाखाय जौसेथि जयन्ती खुंफुगोन। बिथामोननि सिग्नेचर सावथुनफोरखौ फिन दिन्थिफुनाय जागोन, जेरव राज कापुरनि 'आवाय', तपन सिन्हानि 'हारमनियम', अक्किनेनि नागेश्वर रावनि 'देवदासु' आरो महम्मद रफिन गारां बायदि 'हम डोनो' सावथुनफोरबो दंफायो। नेशनेल फिल्म डेभेलपमेन्ट कर्प्शन आरो नेशनेल फिल्म आररिभआ बेनि क्लासिक्सनि गुणफोरखौ फिन लाबोफिनो थाखाय दिन्थिफुनो हाबाफारि लानाय जादों। आइएफएफआइआ साप्रमो मुंदांखाफोरनि थाखाय आलादा-आलादा फोबों खुंगोन, जेरव 22 नभेम्बरखालि एनआरखौ मान बाडगोन, 24 नभेम्बरखालि कापुरनो मान



बाडगोन, 26 नभेम्बरखालि रफिनो मान बाडगोन आरो 27 नभेम्बरखालि सिन्हानो मान बाडनाय जागोन। महत्सबखौ इन्स्टाग्रामनो थाखाय साप्रमो फावगिरिफोर बिहोमा होगोन आरो मोनसे टीमनि गेजेरजों गाहाइ मान बाडनायनि महराव पञ्चश्रीनि गेजेरजों गवानि कला एकाडेमिआव मोनसे रेट कलानि सावगारि बानायनाय जागोन। आइएफएफआइ 2024 आ 20 नभेम्बरखालि गवाआव जागायगोन आरो 28 नभेम्बरखालि जोबगोन।

सिफुं सुगिरि पन्डित रनु मजुमदारआ डिब्रुगडनि मोनसे हाबाफारिखौ मेहेर गोनां खालामफैदों

मुंदांखा सिफुं सुगिरि पन्डित रनु मजुमदारआ मैया मोनाबिलियाव आसामनि डिब्रु गडनि एमडिके जि कलेजआव नायगिरिफोरखौ मुहि नाहोदों। मुंदांखा तबला दामगिरि रुपक भट्टाचारिजों लोगोसे मजुमदारनि शास्त्रिय दिन्थिनाया भारतआरि संगीतनि मोनसे केपटिभेटी गलायगथायमोन। बे साननि जागायनायाव मजुमदारआ फरायसाफोरखौबो महि नाहोदोंमोन। एमडिकेजि कलेजआव बिथाडा गोबां रोखमनि रावफोरनि गेजेरजों गावनि रंगीथिखौ दिन्थिदोंमोन आरो फरायसाफोरजों लोगोसे भारतनि शास्त्रिय संगीतनि सोमोन्दै बेनि सौंलुफोरनि फिन्नायखौबो होदों। बे हाबाफारिखौ साइसमेके डिब्रुगड चेप्टरनि गेजेरजों खुंफुनाय जादोंमोन आरो बेनि थांखियानो जादों भारतनि शास्त्रिय



संगीतखौ जौगाहोनाय। मजुमदारआ गावनि दावबायनायनि गेजेरजों माखासे स्कुलफोर आरो डिब्रुगडनि गोजै फरायसालियाव दिन्थिफुगोन। गेदेत पन्डित रबिंशंकरनि स्टुडेन्ट पन्डित रनु मजुमदारआ सिफुं सुनायाव एक्सपार्ट जानायनि थाखाय मुंदांखा। संगीत नाटक एकाडेमि बान्थाजों लोगोसे माखासे बान्थाफोरखौ मुं

खालामनो हानाय मजुमदारआ सिफुं सुनायखौ जौगाखांहोनो थाखाय मख'जाथाव पाव दिन्थिदों। बिथाड आर. डि. बर्मन, विशाल भद्रज बायदि मुंदांखा देखोगिरिफोर आरो पिलिप ग्लास, राय कुडर बायदि हारिमायारि फावगिरिफोरजों लोगोसे हेफाजाब होदों। अल इन्डिया रेडिओ आरो दुरदर्शननि गोजै

थाखोनि आर्टिस्ट रुपक भट्टाचारिआ सासे मुंदांखा तबला दामगिरि। स्पाइसमेके डिब्रुगड चेप्टरनि आफादगिरि रू राजिव कंवरआ बुडोदि, 'जोंनि थांखियानो जादों भारतीय शास्त्रिय संगीतखौ जौगाहोनाय। बे हाबाफारिया डिब्रुगडनि सुबुंफोरखौ भारतीय शास्त्रिय संगीतनि जादुखौ मोन्दांथि होनायनि मोनसे खाबु होयो।

ऋषप पन्टआ आइपिएलआव गोदान हान्जानि केप्टेन सायख' जानो हासिगौ



गोदान दिल्ली, 5 नभेम्बर: बिबानआव दडमोन। जेराव आइपिएल 2025 नि थाखाय हान्जाफोरा रिटेन्सननि फारिलाइखौ फोसावनाय उनाव अन्सायगिरिफोरनि गोसोआव गेलेगिरिफोरनि रिलीज खालामजानाय आरो लाखिजानाय सोमोहोदो। सिगां समनिक्रायनो अन्सायगिरिफोरा माखासे मुंदाखा गेलेगिरिफोरखौ हान्जानिफ्राय रिलीज खालामगोनखौ हमदानो हारदो। बे समाव ऋषप पन्टनि दिल्ली के पिटेल्सनिफ्राय रिलीज होजानाय अन्सायगिरिफोरखौ गोमोहोदो। रिलीज जानायजो लोमोसेनो बिथानि गोदान हान्जाजो बाहागो जागोनआबो अन्सायगिरिफोरनि गोसोआव सोथि सिखादो। बिथाडा दिल्ली के पिटेल्सआव केप्टेन

दिन्थिफुनो थाखाय अक्सनआव ओंखारगोन। नाथय बे समाव गुबुन गुबुन हान्जाफोराव रनि थुबिलिआ बाडइ जागोन। रं थुबिलिनि फारिआव पान्जाब किं सआ गुबुनफोरनिफ्राय बयनिबो सिगाडाव फेयो। मानोना बे हान्जाआ दासिमआव सानैल' रिटेन खालामदो। थामहिनबा बे हान्जाआ सांग्राथिये माखासे गेलेगिरिफोरखौल' हान्जायाव लाखिदो। अब्लाबो बे हान्जायाव 100 कौटिनि बांसिन रं दंबावो। थामहिनबा पान्जाबनि हान्जाआ 110.5 कौटि रंजो फोथारआव ओंखारगोन। बेबादि थासारिआव पान्जाबआ बिथांखौ हान्जाजो सरजाबनो नाजागोन। मानोना पान्जाबनि हान्जाआ सोलिफु समाव गोदान केप्टेन नागिरनायाव दड। बेबादि थासारिआव दिल्लीनि केप्टेन जाखानाय पन्टखौ पान्जाब किंसा जैथि-जाया सरजाबनो नाजागोन।

मणिपुर आरो मध्य प्रदेशआ सिनियर हौवाफोरनि हकी सेम्पियनसिपआव देरहानायजो जागायदो



इम्फल, 5 नभेम्बर: मणिपुर आरो मध्य प्रदेशनि हकी हान्जाआ फारिये बिहार आरो आन्दामान निकबरखौ गुबुन गुबुन मेचफोराव फेजेन्नाने सोलिफु सिनियर हौवाफोरनि नेसनेल हकी सेम्पियनसिपआव आगानसे आवगायदो। मध्य प्रदेशआ आन्दामान निकबरखौ फेजेन्नायाव गासे 29 गल सोदो। बेराफासे मणिपुरआ पुल-एइसआव बिहारखौ 19-1 स्करआव फेजेन्नो हारदो। मध्य प्रदेशनि जानाने पुल-सिनि मेचआव इउसुफ आप्पानीआ डबल हेट्रिक गल सोदो। जेराव बिथानि अनगायै हान्जानि महम्मद जैन खानआ गरबा गल सोदो। बिथानि अनगायै अक्सर दुबेआ गरबै, निजामुंआ गरथाम, महम्मद उमरआ गरथाम गल सोदो। मध्य प्रदेश आरो मणिपुरनि अनगायैबो उत्तर प्रदेश, कर्नाटक, छन्डिगड आरो तामिलनाडुनि हान्जायाबो गावसोरनि मेचआव देरहादो। पुल-एफआव उत्तर प्रदेशआ केरेलाखौ 6-0 स्करआव फेजेन्नो। जेराव अरुन साहनीआ बे समाव गरबै गल सोदो। बे साननि जोबथा मेचआव तामिलनाडुआ अन्ध प्रदेशखौ 7-0 गलआव फेजेन्नो। जेराव तामिलनाडुनि जानाने केप्टेन कार्ति एसआ गरबै गल सोनो हारदो।

जिएसए फुटबल लीगआव एफसि ग्रीन भेलिआ गुवाहाटी सिटी एफसिनि हेथायै गिबि देरहादो



गुवाहाटी, 5 नभेम्बर: गुवाहाटी नोगोरमनि नेहरू स्टेडियमआव गेलेनाय बाथि राउन्डनि बादायलायनायाव एफसि ग्रीन भेलिआ गुवाहाटी सिटी एफसिखौ गरसे गलनि फारगआव फेजेन्नाने जिएसए ए डिभिजन फुटबल लीगआव फेजेन्नाने बे हान्जानि हेथायै गिबिये देरहादो। बे मेचआव मोननैबो हान्जाया जागायजेन्नायनिफ्रायनो गोखोडै दिन्थिफुदो। नाथय देरहानाय हान्जाया गिबि हाफनि समावनो गावसोरनि खेबसे खबुखौ गलनि महर होनो हारदो। मेचनि 22 मिनिटआव देरहानाय हान्जानि जानाने दिपंकर दासआ गल सोदो। जेराव बे स्करिखौ ग्रीन भेलिनि हान्जाया जोबनायसिम रैखाथियै लाखिदो। गुबुन फासे गुवाहाटी एफसिनि हान्जाआ समान स्करनि गल सोनो नाथ-नाथा नाजादोब्लाबो ग्रीन भेलिनि

गोखो डिफेन्सखौ मोननै दड। गुबुन फासे गुवाहाटी सिटी एफसिआ गोखो सेलेन्जो मेचनि उनाव दिपंकरआ गलनि थाखाय प्लेयार अफ दा मेच बान्थाजो मान होजादो। देरहानाने आबु 3 पइन्ट आर्जिनयजो ग्रीन भेलिनि हान्जाआ गेलेनाय खेब 5 मेचनिफ्राय 5 पइन्ट आर्जिनय आरो बे पइन्टजोनो हान्जाआ पइन्टनि फरिआव बाथि थावनिआव जायगा

मावलाइ एससि आरो लाथाडलाबह एससिआ

मेघालया लीगनि क्वार्टर फाइनलाव

शिलंग, 5 नभेम्बर: मावलाइ एससिनि हान्जाआ शिलंग स्टेड लीगआव गुप-एफआव पाथरमाखौ 10-0 गलआव फेजेन्नाने गावसोरनि मोजां फर्मखौ फोरमानआव लाबोदो। बांसिने जुनियर गेलेगिरिफोरनि फि लिड' आव ओंखारसे यावबो मावलाइनि हान्जाआ गोखोडै दिन्थिफुदो। जेराव हान्जानि जानाने सामलां



रिमेआ गरबै गल सोदो। बिथाडा मेचनि 45, 45+1, 50 आरो 84 मिनिटआव गल सोदो। बिथानि अनगायै बालभिकी मारंगारआ मेचनि 22, 26 मिनिट, आरकिबर मक्र'आ 23, रमारियास लाबानआ 25, मेवानसान एस नंकसेआ 51 आरो मार्क गेथे डि शाबंआ 81 मिनिटआव गल सोदो। बे देरहानायजो मावलाइनि हान्जाआ गेलेनाय खेबथाम मेचआव आबु 9 पइन्ट आर्जिनयजो सिगांसिन थावनिआव दड। गुप-सिआव 7 इनाइटेडजो लाथाडलाबहनि मिर्जिथिनय मोगा-मोगिआ फासे स्करिडै थुगियो। मानोना बे मेचआव लाथाडलाबहआ टयर्सडनि हेथायै 3-0 स्करआव देरहादो। थानाय बोसोरनि रानासआप लिमावलीआ माभिकरवाडआव गुप-बिनि मेचआव वालमबक शांप्तियानि 87 मिनिटआव गल सोनायजो सुतंगारखौ 1-0 गलआव फेजेन्नो। बिथाडा मेचनि जोबनाय फासे गल सोनाने हान्जानि हिर' जानो हारदो। सोलिफु सेम्पियन रंजाजित इनाइटेडआ इयातिलिलां लुमसेकत रलियांखौ 8-0 स्करआव फेजेन्नाने गुप-डिआव गावसोरनि गोखो गावसोरनि गोखो आगानखौ लाखिदो। बे समाव पासबरलां खलिंकांआ 21 आरो 89 मिनिटआव गल सोयो, जेराव हान्जानि जानाने हेस्न दंआ 37, बालमलिनिआ 45 आरो गुबुन गेलेगिरिफोरनि हेफजाब मोनो। रंजाजितआ सोलिफु समाव 7 पइन्टजो गावसोरनि मासिखौ मोजाडै लाखिनाने दड। बे हान्जायाबो मावलाइ एससिजो समान-समाने उनाव खारफगासिनो दड।

एसियान हकी सेम्पियन्स टुर्नामेन्टनि थाखाय भारतनि हान्जाआ थियारि जाबय

गोदान दिल्ली, 5 नभेम्बर: एसियान हकी सेम्पियन्स टुर्नामेन्टनि थाखाय भारतनि आइजो हान्जाआ सिगां समनिक्रायनो थियारि जाबोदो। बे टुर्नामेन्टनि टूफी लाबोनो थाखाय नालन्दा महाबीरसिम भारतनि हान्जाआ सौहेबाय। भारतनि आइजो हान्जाआ पेरिस अलिम्पिकआव मिर्जिथि बादि दिन्थिफुनो हायाखेब्लाबो बेनि उनाव गावसोरनि दिन्थिफु' नायखौ लान्थियै सुद्रायबोदो। हकी इन्डिया आरो बिहार सरकारजो बान्जायजानो गोनां बे टुर्नामेन्टआ फेगौ 11-20 नभेम्बरनि गेजेराव नभ भिक्सित राजगीर हकी स्टेडियमआव जागोन। बार' सेम्पियन भारतनि अनगायै बे टुर्नामेन्टआव चीन, थाइलेन्ड, मालएसिया, खोला करिया आरो जापाननि हान्जाफोरा



ओंखारगोन। बे टुर्नामेन्टखौ मुंदाखा खालामनो थाखाय टूफीखौ दिन्थिफुनो थाखाय गुबुन गुबुन जिल्लासिम लांनय जागोन। बिहारनि गेले मु विफाननि डिरेक्टर रविन्द्र शंकरनआ खोरंगिरिनि मोगा-मोगिआव बे टुर्नामेन्टनि टूफीखौ सिगां समाव पान्जाब-हरियाणा, उरिष्या आरो झारखन्डसिम लांनयखौ फोरमायनाने बेनि उनाव बिहारनि गासे बो जिल्लासिम दैबथिदो होन्ना फोरमायदो आरो बे टुर्नामेन्टनि टूफीआ फेगौ 10 नभेम्बरसिमआव राजगीरआव सौफेगोन होन्ना फोरमायो। टुर्नामेन्टखौ जुथायै बान्जायनो थाखाय बिहार सरकारआ सिगांसिनफ्रायनो जान्जि खारप्रदो। जेराव हकी इन्डियाबो

इमाने खालिफनि आथोनआ रिपर्टनि गेजेरजो सोराडाव फेबाय



पेरिस, 5 नभेम्बर: पेरिस अलिम्पिक आव गावनि रंगथिजो गोखोडै दिन्थिफुनाय इमाने खालिफआ बक्सिनि फोथारआव सनानि मेडेल देरहानाने आल्जेरियानि मुंखौ मुंदाखा खालामदो मोन। अब्लाबो बिथाडा जावले-जावले सोंखारि जानाय एबा टूल खालाम जानायजो बे'खन जादोमोन। सोलिफु समाव बिथाडा आरोबाव बेबादि जे'नाजो'नो मोगा-मोगि जानांवावदो। अलिम्पिकनि समावबो खालिफआ आथोननि थाखाय गोबां जे'नाजो' मोगा-मोगि जानांवावदो। अब्लाबो बिथाडा फारिये गोखोडै दिन्थिफु' नाने सनानि मेडेल देरहादो। नाथय सोलिफु समाव मोनसे मेडिकेल रिपर्टआव बिथानि आथोनजो सोमोन्दो थानाय खौराडा सोराडाव फेदो। जाउनाव बेबादि रिपर्टआ बयखोबो गोमो होदो। रिपर्टनि बादिब्ला, खालिफनि देहानि सिडाव हौवा सुबुनि गोबां अंगफोरा दासिमबो दड। मिडिया रिपर्टआव फोरमायनाय बादिब्ला, बिथानि आथोनारि हर्मन एक्सवाइआ बिथानि

डब्लिउटिए फाइनलआव कक गफआ मेचनि दिगखौ सोलायनो हारदो



वाशिंग्टन, 5 नभेम्बर: आमेरिकानि मुंदाखा गेलेगिरि कक गफआ डब्लिउटिए फाइनलसआव समान थाखोनि बादायारि जेसिका पेगुलाखौ 6-3, 6-2 स्करआव फेजेन्नाने बोसोरनि जोबथा टेनिस टुर्नामेन्टआव गावनि दिन्थिफुनायखौ मोजाडै जागायदो। सिगां समाव गात्रि फर्मजो मोगा-मोगि जानांवावनाय गफआ बे खेबआव मेचनि दिगखौ सोलायनाने मोजाडै आगान सुरजेन्दो। नैथि रेंकिनि इगा स्वियातेकआ गावनि गिबि मेचआव बरबर क्रेजिकभाखौ 4-6, 7-5, 6-2 स्करआव फेजेन्नो। जेराव बिथाडा थानाय 2 दाननि गेजेराव गिबि खेबयै देरहानाय थिसदो। बे टुर्नामेन्टआव मुलुगनि सा 8 मुंदाखा गेलेगिरिफोरा सेलेन्जआव ओंखारदो। गोदान कचजो बे टुर्नामेन्टआव ओंखारनाय स्वियातेकआ थानाय सेपेम्बर दानआव आमेरिकानि अपेननि क्वार्टर फाइनलाव पेगुलाजो थौंजो सेटफोराव जेन्नायनि उनाव मोनबो मेच गेलेयाखै। नाथय बेनि उनाव बिथाडा सोलिफु डब्लिउटिए टुर्नामेन्टआव गावनि जागायजेन्नाय आगानखौ मोजाडै हान्थिदो। बेनि सिगां टप रेंकिनि आर्यना सबालेन्काआ गावनि जागायजेन्नाय मेचआव झें किनवेनखौ थौंजो सेटफोराव फेजेन्नो। गुबुन मोनसे मेचआव ब्रैथि रेंकिनि इटलीनि जाशमीर पाअलिनीआ बाथि रेंकिनि एलिना रिबाकिनाखौ फेजेन्नो। कक गफनि देरहानाय अन्सायगिरिफोरनि गोसोआव रंजाखानाय लाबोदो। जेराव बिथाडा सासे गथ'नि बिमा जासेयावबो दासिमावबो गावनि मोजां फर्मखौ टप रेंकिनि गेलेगिरिफोरनि हेथायै लाखिनो हारदो।

नेसनेल भलिबल टुर्नामेन्टआव हारदरनिफ्राय 800 निबो बांसिन बादायारिफोरा बाहागो लागोन

गोदान दिल्ली, 5 नभेम्बर: उत्तर प्रदेशनि बरेलीआव खुंजानो गोनां नेसनेल भलिबल इभेन्टआव हारदरनि रंगथि गोनां गेलेगिरिफोरा सेलेन्जआव ओंखारगोन। स्कु ल गेम्स फे डारेसन अफ इन्डियाजो बान्जायजानो गोनां आन्डार-17 के टेगरिनि बे इभेन्टआव



बादायारिफोरा हारिमायारि थाखोसिम आवगायलानो जर'खा खबु मोनगोन। बेनि थाखाय तामिलनाडु, गुजरात, तेलंगाना आरो माखासे रइन्थिनि गेलेगिरिफोरा बरेली सहरसिम सौहेबाय। जेराव बिथानिमोना गिबियै बे इभेन्टआव गावसोरनि रंगथिखौ दिन्थिफुनो खबु मोनगोन। 6-10 नभेम्बरनि गेजेराव राजकीय इन्टर कलेजनि फोथारआव खुंजानो गोनां बे इभेन्टनि थाखाय जर'खा खबुफोरखौ सिगांसिनफ्रायनो थियारि खालामबोदो। जायनि थाखाय गेलेगिरिफोरा थानाय-जानाय, फोथारसिम फैनाय, प्रेक्टिसनि खबु आरो गुबुन गुबुन बिथिडाव मोनबो जे'नाजो मोगा-मोगि जानांनय नड।

भिनेश फगातआ रेसलिनि फोथारआव ओंखारफिनो हासिगौ

गोदान दिल्ली, 5 नभेम्बर: भारतनि मुंदाखा आइजो रेसलर भिनेश फगातआ एमएलए सायख' जाखानायनि उनावबो रेसलिनि फोथारआव थाफिनगोननि इसारा होदो। बिथाडा गावनि गांसे सावगारि शेरार खालामनाने रेसलिंआव हाबफिनगोननि सायाव इसारा होदो। लोमोसे केप्सनआव सोलिफु समाव गावनि मनाय थासारिआव दडब्लाबो गावनि गोसोआव थुलुंगानाय फेफिननायखौ फोरमायो आरो थॉथिनि थाखाय सोलिफु समावबो गावनि मिर्जिआ गोथाडैनो दड होन्नाने फोरमायदो। रेसलिनि फोथारआव मुंदाखा जानाय आरो एमएलए भिनेशआ थानाय दानआव बिसायख' थिनि सिगां उदाडैनो फोसावदि मेलआव ओंखारदो। बिथांखौ बिसायख' थिनि सिगाडाव नोगोरारिफोरा गोबां मदद होदो। जायनि मददजोनो बिथाडा बिसायख' थियाव बिजेपिनि बरेखा बिजाथिखौ 6 रोजानि बांसिन भर्तनि फारगआव फेजेन्नो। बेबादि देरहानायनि उनाव एमएलए जासेयावबो बिथाडा रेसलिनि फोथारआव ओंखारफिनो



हासिगौ। पेरिस अलिम्पिकआव सेवखानाय गांसे सावगारिखौ शेरार खालामनाने बिथाडा गावनि गोसोआव गोहो फेफिननायखौ फोरमायो। लोमोसे सावगारिजो लोमोसे बिथाडा सिद्ध मुसेबालानि मेथाइखोबो बेकग्राउन्ड मिर्जिजकआव होदो। भिनेसनि बे पस्टनिफ्राय अन्सायगिरिफोरा बिथानि रेसलिंआव ओंखारफिनगोनखौ मिर्जिथि लादो। जेराव गोबां अन्सायगिरिफोरनो कमेन्टनि गेजेरजो बिथांखौ अलिम्पिक मेडेल देरहाबावगोननि मिर्जिथि हारदो आरो बिथानि जेन्नाय लायैखौ बाखायदो।